

新刊外科正宗

新刊外科正宗卷之三

下部癰疽門

崇川 陳實功毓仁父纂著

流注論第二十五

夫流注者流者行也乃氣血之壯自無停息之機注者住也因氣血之衰是有凝滯之患故行者由其自然住者由其瘀壅其形漫腫無頭皮色不變所發毋論穴道隨處可生凡得此者多生於體虛之人勤勞之輩不慎調變夏秋露臥縱意取涼熱體

當風圖身快爽或中風邪發散未盡或邪從陰虛
外寒所侵又或惱怒傷肝鬱結傷脾榮氣不從逆
於肉裏又或跌打損傷瘀血凝滯或產後惡露未
盡流縮經絡此等種種皆成斯疾也既成之後當
分表裏寒熱虛實邪正新久而治之初因風寒相
中表症發散未盡者人參敗毒散散之房慾之後
體虛寒氣外侵者五積散加附子溫之勞傷鬱怒
思慮傷脾而成者歸脾湯加香附青皮散之跌撲

傷損瘀血凝滯而成者復元活血湯逐之產後惡露未盡流注經絡而成木香流氣飲導之此皆初起將成之法一服至三四服皆可外俱用琥珀膏敷貼其中亦有可消者十中五六如服前藥不得內消者法當大養氣血培助脾胃溫暖經絡通行關節木香流氣飲十全大補湯俱加熟附子香附培助根本此則未成者自消已成者自潰已潰者自斂而終無殘敗破漏不斂之症且如有膿宜急

開之患者又當慎起居戒七情遠寒就溫俱可保
全若悞用寒涼尅伐內消等藥終至不救者多矣
流注看法

初起漫腫皮色光亮微熱微疼筋骨不欠強者爲順
已成身體微熱飲食有味疼痛有時腫生紅色者順
已潰膿稠而黃腫消痛止身體輕便起坐如常者順
潰後內肉易生膿水易止精神易復膿口易合者順
初起身體發熱脈細而數皮色微腫痛徹筋骨者險

已成飲食少思口乾作渴身體疼痛四肢沉重者險
已潰膿水清稀腫仍不消虛熱不退疼痛不減者逆
潰後膿穢不止肌膚瘦削飲食不食發熱皮斂者死

流注治法

初因風寒表散未盡而後復生腫痛者再宜和解之
表邪已盡而後復生流注者宜清熱消腫行散氣血
暴怒所傷抑鬱所致胸膈痞悶中氣不舒順氣寬中
腫硬已成而不得內消者宜和氣血更兼補助脾胃

跌撲閃肭瘀血凝滯爲患者宜調和氣血通行經絡
寒邪所襲筋攣骨痛及遍身疼痛者溫經絡行氣血
產後敗血流注關節致生腫痛者當散敗瘀養氣血
潰後膿水不止而形衰食少者宜滋氣血峻補脾胃

流注治驗

一男子風寒表散未盡兩腮腫痛微熱不退小柴胡
湯加川芎天花粉桔梗連翹二服餘熱頓退又以
二陳湯加桔梗黃芩牛蒡子連翹四服十日而安

一男子勞傷受寒背生三腫皮色不變寒熱交作至
夜尤甚先以萬靈丹洗浴發汗寒熱頓退惟腫硬
不消以琥珀膏敷之三次其腫消痛止漸漸而平
一婦人因怒脇下結腫將近半年方痛此得之肝氣
鬱結之症以木香流氣飲四服其腫漸紅此日久
之病必欲作膿不可內消又以十全大補湯加木
香香附青皮十餘服其腫漸高又以本方加皂角
刺五服其膿乃潰且清且多此勞中所得者元氣

已經虧損其膿故多而清以人參養榮湯加熟附子月餘膿稠且少又本方倍參芪歸朮兩月而愈一男子元氣素虛因暴怒脾生腫塊疼痛牽強寒熱往來飲食日減以補中益氣湯加香附貝母十餘服寒熱漸止又以益氣養榮湯月餘而腫潰間以八珍湯服之外用附子餅日灸二次脾胃健而安一婦婦項間乳上各腫一塊將近一年漸大方痛脰之脉細數而無力此思慮過傷之病也以歸脾湯

加桔梗香附十餘服其腫漸高外以琥珀膏敷之
腫頂紅色欲其作膿又以十全大補湯加桔梗貝
母服之半月膿熟針之後頭腐膿清虛熱復作食
少不睡仍以歸脾湯間以逍遙散服之三月而愈
一男子平素怯弱腰後微腫一塊飲食少思口乾發
熱此得之腎傷之病也治當朝以附桂八味丸午
用人參養榮湯扶植根本爲要彼以口乾發熱內
火之故欲投清涼之劑解之予辭不敢治請內醫

視之以退熱為主正合病家之意投藥三劑腹痛
作瀉又以猪苓澤瀉厚朴泄氣等藥大熱發作形
體更變復請予治予曰死之速矣伊不知因虛致
病法當滋補況是腰間腫塊內腎受傷口乾作渴
腎水枯竭發熱不退陰虛血少今以有餘之藥而
療不足之症豈有不死者始信前悞又半月而死

流注主治方

調和榮衛湯

調和榮衛湯甘草赤芍白芷併烏藥

陳獨芎歸芪大茴牛膝紅花相其隨

治流注初起氣血凝聚結腫不散已成未成服

川芎

當歸

陳皮

獨活各一錢

赤芍

白芷

烏藥

大茴香

黃芪

各八分 甘草

紅花各五分

牛膝下部加

水二鍾煎八分入酒一杯量病上下服

木香流氣飲

木香流氣飲芎歸蘇桔青陳烏澤芪枳殼枳殼防半夏腹皮半芍膝耳隨

治流注瘰癧及鬱結為腫或血氣凝滯遍身走

注作痛或心胸痞悶嗌咽不利脇腹膨脹嘔吐

不食上氣喘急咳嗽痰盛或四肢面目浮腫者
並服之

川芎

當歸

紫蘇

桔梗

青皮

陳皮

烏藥

黃芪

枳實

茯苓

防風

半夏

白芍

各一錢

甘草節

大腹皮

木香

檳榔

澤瀉

枳殼

各五分

牛膝

下部加一錢

水三鍾薑三片棗一枚煎八分食遠服

附子八物湯

附子八物湯芎藭甘草肉桂當歸等

熟地人參木香姜棗効通神

治房慾後陰虛受寒致生腫塊又或遍身腿脚疼痛不能步履

川芎

白芍

熟地

人參

白朮

茯苓

當歸

附子

各一錢

肉桂

五分

木香

甘草

各三分

冰二鍾薑三片棗一枚煎八分食遠服

瘡科流氣飲

瘡科流氣飲芎藭防風枳殼香烏藥

甘桔蘇枳芍桂芪白芷人參厚朴隨

治流注及一切鬱怒凝滯氣血作腫疼痛或胸膈痞悶或風寒溼毒搏於經絡結成腫塊者服

當歸

甘草

紫蘇

人參

白芍

官桂

黃芪

防風

枳殼

烏藥

桔梗

厚朴

各七分

檳榔

木香

川芎

白芷

各五分

水二鍾煎八分食遠服

通經導滯湯

通經導滯湯香附陳皮丹皮蘇草節

赤芍芎歸熟地隨半膝紅花獨活奇

治婦人產後敗血流注經絡結成腫塊疼痛者

香附

赤芍

川芎

當歸

熟地

陳皮

紫蘇

牡丹皮

紅花

牛膝

枳殼

甘草節

獨活

各五分

水二鍾煎八分入酒一小杯食前服

香附餅

香附餅最散風寒
製成熱攻寒氣散

酒和調成患上安
敢教苦楚即成歡

治風寒流注襲於經絡結成腫痛用香附爲末

酒和量瘡大小做餅覆患處熱熨斗熨藥上未

成者自消已成者自潰風寒溼毒宜薑汁作餅

醒脾湯

醒脾湯中白朮 人參 酸棗 地骨皮 茯苓 遠志 柴甘 桔 香附 木香 共得宜

治懷抱鬱結思慮傷脾致脾氣不行逆於肉裏
乃生壅腫疼痛不眠心煩不安神氣不清等症

白朮

黃芪

人參

茯苓

各一

酸棗仁

地骨皮

遠志

各七分

柴胡

甘草

桔梗

黃連

木香

香附各五圓眼肉七

水二鍾薑三片棗二枚煎八分不拘時服

調中大成湯

調中大成湯木附砂仁遠志丹皮草

苓歸芍藥薑黃芪肉桂柴薑黑棗隨

治流注潰後膿水清稀飲食減少不能生肌收

白朮

茯苓

歸身

白芍

陳皮

山藥

黃芪

牡丹皮

各一錢

人參

二錢

藿香

砂仁

遠志

甘草

各五分

附子

肉桂

各八分

水二鍾煨薑三片棗二枚煎八分食遠服

黃芪六一湯

黃芪六一湯甘草流注膿多併作湯

加上人參三味奇更兼煩躁効堪推

治流注潰後膿水出多口乾作渴煩躁不寧服

黃芪

六錢半生半蜜水炒

甘草

一錢五分半生半炙

人參

錢一

水二鍾煎八分食遠服

散血葛根湯

散血葛根湯半夏甘草細辛併蘇葉

等防羌葛芷升麻桔梗香附與紅花

治跌撲傷損瘀血凝滯結成流注身發寒熱者

乾葛

半夏

川芎

防風

羌活

升麻

桔梗

各八分

白芷

甘草

細辛

蘇葉

香附

紅花

各六分

水二鍾葱三根薑三片煎八分不拘時服

先大大造丸

先天大造丸歸杞馬茅巴骨香牛膝

熟地生苓兔肉黃遠志青鹽故紙方

治風寒溼毒襲於經絡初起皮色不變漫腫無

頭或陰虛外寒侵入初起筋骨疼痛日久遂成

腫痛潰後膿水清稀久而不愈漸成漏症者服

紫河車

一具酒煮搗膏

熟地黃

四兩酒煮搗膏

歸身

茯苓

人參

枸杞

兔絲子

肉蓯蓉

酒洗搗膏

黃精

白朮

何首烏

去皮用黑豆同蒸搗膏

川牛膝

仙茅

浸去赤汁蒸熟去皮搗膏各二兩

骨碎補

去毛後炒

川巴戟

去骨

破故紙

炒

遠志

去心炒各二兩

木香

青鹽

各五錢

丁香

三錢

黑棗肉

二兩

右爲細末煉蜜丸如桐子太每服七十九空心
溫酒送下此方非獨流注成漏者又補一切氣
血虛羸勞傷內損乃男婦久無嗣息並有奇功

琥珀膏

琥珀膏中用大黃
同蒜搗稠敷患處

南星白芷鬱金香
官教流毒卽安康

治一切皮色不變漫腫無頭氣血凝滯結成流
毒毋論身體上下年月新久但未成膿者並効

大黃

二兩

鬱金

南星

白芷

各兩

其爲細末用大蒜頭去殼搗爛入上藥再搗稠

入酒一盞匙調勻遍敷腫上紙蓋隨有熱痛又
有不痛俱待藥乾便効次日又有起泡又有不
起泡者如有起泡挑去泡中黃水膏貼之自効
流注應用方

十全大補湯

人參養榮湯

補中益氣湯

益氣養榮湯

八珍湯

俱見癰疽
潰瘍門

萬靈丹

見癰疽
潰瘍門

小柴胡湯

一陳湯

俱見癰
疽門

乳癰論第二十六

附乳岩

夫乳病者乳房陽明胃經所司乳頭厥陰肝經所屬
乳子之母不能調養以致胃汁濁而壅滯爲膿又
有憂鬱傷肝肝氣滯而結腫初起必煩渴嘔吐寒
熱交作腫痛疼甚宜牛蒡子湯主之厚味飲食暴
怒肝火妄動結腫者宜橘葉散散之又憂鬱傷肝
思慮傷脾積想在心所願不得志者致經絡痞澹
聚結成核初如豆大漸若棋子半年一年二載三

載不疼不癢漸漸而大始坐疼痛痛則無解日後
腫如堆粟或如覆碗紫色氣截漸漸潰爛深者如
岩穴凸者若泛蓮疼痛連心出血則臭其時五臟
俱衰四大不救名曰乳岩凡犯此者百人百必死
如此症知覺若早只可清肝解鬱湯或益氣養榮
湯患者再加清心靜養無星無得服藥調理只可
苟延歲月若中年已後無失之婦得此死更尤速
故曰夫乃婦之天也惟初生核時急用艾灸核頂

待次日起泡挑破用披針針入四分用冰蠟散條
插入核內糊紙封蓋至十三日其核自落用玉紅
膏生肌斂口再當保養不發又男子乳節與婦人
微異女損肝胃男損肝腎蓋怒火房慾過度以此
肝虛血燥腎虛精怯血脈不得上行肝筋無以榮
養遂結腫痛治當八珍湯加山梔牡丹皮口乾作
渴者加減八味丸腎氣素虛者腎氣丸已潰作膿
者十全大補湯懷孕之婦乳疾曰內吹因胎氣旺

而上冲致陽明乳房作腫宜石膏散清之亦可消
散遲則遷延日久將產出膿乳汁亦從膿竅流出
其口難完有此者純用補托生肌其口亦易完矣

乳癰乳岩看法

初起紅赤腫痛身微寒熱無頭眩無口乾微疼者順
已成掀腫發熱疼痛有時一囊結腫不侵別囊者輕
已潰膿黃而稠腫消疼痛漸止四邊作痒生肌者順
潰後膿水自止腫痛自消新肉易生膿口易合者順

初起一乳通腫木痛不紅寒熱心煩嘔吐不食者逆
已成不熱不紅堅硬如石口乾不眠胸痞食少者逆
已潰無膿正頭腐爛腫勢愈高痛勢愈盛流血者死
潰後肉色紫黑痛苦連心宛氣日深形體日削者死

乳癰乳岩治法

初起發熱惡寒頭眩體倦六脉浮數邪在表宜散之
發熱無寒惡心嘔吐口乾作渴胸膈不利者宜清之
憂鬱傷肝思慮傷脾結腫堅硬微痛者宜疎肝行氣

已成掀腫發熱疼痛有時已欲作膿者宜托裏消毒
膿已成而脹痛者宜急開之又脾胃虛弱更兼補托
潰而不斂膿水清稀腫痛不消疼痛不止大補氣血
結核不知疼痛久而漸大破後惟流污水養血清肝

乳癰治驗

一婦人因怒左乳腫痛寒熱交作以人參敗毒散一
劑表症已退又以牛蒡子湯二服腫消漸漸而安
一婦人憂思過度久鬱成癆左乳結核如桃半年似

痛非痛咳嗽生痰身發潮熱胗之脉微數而無力
此真氣雖弱而邪火尚未有餘如用藥合理亦堪
調治先用逍遙散加香附貝母十餘服而咳嗽漸
止寒熱間作又以八珍湯加香附牡丹皮柴胡遠
志十餘服身熱去其八九又以益氣養榮湯加青
皮木香兩月餘其胸膈得利噯氣得舒飲食漸進
肌膚漸澤外腫以阿魏化瘡膏貼之半年餘而消
一婦人右乳疼痛腫如覆碗胗之脉數有力此有餘

症欲作膿也以托裏消毒散數服而脹痛卽針之
出膿碗許又以十全大補湯加香附十餘服而安
一婦人暴怒左乳結腫疼痛自服仙方活命飲並服
疼痛稍止結腫不消仍服清涼敗毒之劑腫痛反
作形體日弱予胛之脉浮數而無力此屬真氣虛
而邪氣實也非補不可以益氣養榮湯四五服其
腫始高寒熱亦退又中餘服而膿潰兼以十全大
補湯兩月而痊此非純補之功其疾豈能得愈

一男子年過五旬因妻喪子不成立憂鬱傷肝左乳
結腫半年痛甚作腐肝脉弦數先以小柴胡湯加
青皮山梔遠志貝母數服而肝脉稍平又以八珍
湯仍加前藥十餘服其腫漸腐爲膿更服益氣養
榮湯庶保收歛彼爲內醫所惑謂鬱怒傷肝肝經
有火不必用補更服降火流氣寬中等劑致食少
便秘發熱作渴復請予治肝脉復弦口乾作渴邪
火內淫飲食減少脾土受傷便秘發熱陰血竭而

爲燥爲熱已上俱內損症也辭不治後月餘果死
一婦人左乳結核三年方生腫痛脰之脉緊數而有
力此陽有餘而陰不足也況結腫如石皮肉紫色
不澤此乳岩症也辭不治又一婦左乳結腫或仆
或大或軟或硬俱不爲痛已半年餘方發腫如覆
碗堅硬木痛近乳頭壘壘遍生疙瘩時痛時痒脰
之脉弦而數腫皮慘黑不澤此氣血已死辭不可
治又一婦已潰腫如之逆流血不禁辭後果俱死

乳癰主治方

牛蒡子湯

牛蒡子湯 瓜蒌仁 銀花 山梔 甘草 陳黃 芩 連翹 柴花粉 青皮 牛子 角針 平

治乳癰乳疽結腫疼痛毋論新久但未成膿服

陳皮

牛蒡子

山梔

金銀花

甘草

瓜蒌仁

黃芩

天花粉

連翹

角針

各一錢

柴胡

青皮

各五分

水二鍾煎八分入酒一杯和勻食遠服

橘葉散

橘葉散內有柴陳 川芎 山梔 青皮 迎石膏 黃芩 連翹 行 甘草 加之 効有雪

治婦人有孕胎熱為內吹有兒吃乳各外吹致乳結成腫痛寒熱交作甚者惡心嘔吐並服之

柴胡

陳皮

川芎

山梔

青皮

石膏

黃芩

連翹

各一錢

甘草

五分

橘葉

二十個

水二鍾煎八分食遠服渣再煎服

清肝解鬱湯

清肝解鬱湯陳芍

桔半芎歸貝茯神
通草山梔遠志

治一切憂鬱氣滯乳結腫硬不疼不癢久漸作

疼或胸膈不利肢體倦怠面色痿黃飲食減少

陳皮

白芍

川芎

當歸

生地

半夏

香附

各八分

青皮

遠志

茯神

貝母

蘇葉

桔梗

各六分

甘草

山梔

木通

各四分

水二鍾薑三片煎八分食遠服

鹿角散

鹿角散効獨稱雄每服三錢酒調下

消乳專於建大功能教腫痛永無踪

治乳癰新起結腫疼痛增寒發熱但未成俱効

鹿角尖三寸用炭火內煨稍紅存性碾末每服

三錢食後熱酒一茶鍾調服甚者再一服必消

回乳四物湯

回乳四物湯最靈加上麥芽能散乳

芎歸白芍熟地呈最消腫脹得和平

治產婦無兒喫乳致乳汁腫脹堅硬疼痛難忍

川芎

當歸

白芍

熟地

各二錢

麥芽

二兩炒為麤末

水二鍾煎八分食遠服用脚布束緊兩乳以手

按揉其腫自然消散甚者再用一服

灸乳腫妙方

灸乳腫痛方來異
將碗覆於患上灸

腦怒勞傷氣不調
諸般腫痛寂然消

治氣惱勞傷或寒熱不調乳內忽生腫痛用碗
一隻內用麝燈草四根十字排勻碗內燈草頭
各露寸許再用平山麝紙裁成一寸五分闊紙
條用水溼紙貼蓋碗內燈草上紙與碗口相齊
將碗覆於腫乳上留燈草頭在外將艾大圓放
碗足底內點火灸之艾盡再添灸至碗口流出
水氣內痛覺止方住甚者次日再灸一次必消

保安萬靈丹

見癰疽腫瘍門

治乳癰初起發熱惡寒頭眩肢體作痛者立効

益氣養榮湯

見癰疽門

治鬱怒傷肝七情內結以致乳中生核不疼不

痒日久方痛甚者胸膈不利吞酸嘔吐頭目昏

眩四肢倦怠或已破潰膿水清稀不能收斂飲

食減少口淡無味自汗盜汗肢體羸瘦者並効

治乳使用方

治乳諸公英常說再加葱湯催汗

同酒煎來乘熱吸消腫猶如湯潑雪

治乳癰初起腫痛未成膿者用蒲公英春秋間
開黃花似菊取連根帶葉二兩搗爛用好酒半
斤同煎數沸存渣敷腫上用酒熱服蓋睡一時
許再用連鬚葱白湯一茶鍾催之得微汗而散
此方鄉村偏僻無藥之所用之極妙亦且簡便
下乳天漿散下乳天漿散四物 茯苓花粉麥門冬
王不留行併山甲 漏蘆甘草木通逢
治乳母元氣虛弱乳汁微少或生兒日久乳少

川芎

當歸

白芍

熟地

茯苓

天花粉

甘草

王不留行炒

麥門冬

瀟蘆

川山甲

炒通草各一錢

用健豬前蹄一隻煮蹄爛取汁二碗同藥煎至碗半二次頓熱食遠服之以熱木梳梳其乳房其汁如泉湧而來

木香餅

木香餅同生地黃氣滯腫疼餅悶膈

二物和勻患上裝用之一熨自無殃

治一切氣滯結腫成核或痛或閃膈風寒所傷並効

木香五錢 生地黄一兩
搗膏

右木香爲末同地黄和勻量患處大小作餅置
腫上以熱熨斗熨之堅硬木痛者間日熨之妙

乳癰應用方

十全大補湯

八珍湯見癰疽潰瘍門

逍遙散

冰蟬散

小柴胡湯見癰疽門

托裏消毒散見腫瘍門

阿魏化痞膏見瘡疾門

附骨疽第二十七 附鶴膝風

夫附骨疽者乃陰寒入骨之病也但人之氣血生平壯實雖遇寒冷則邪不入骨凡入者皆由體虛之人夏秋露卧寒溼內襲或房慾之後蓋覆單薄寒氣乘虛入裏遂成斯疾也初起則寒熱交作稍似風邪隨後醫腿筋骨作痛不熱不紅疼至徹骨甚者曲伸不能轉側日久陰變爲陽寒化爲熱熱甚而腐肉爲膿此疽已成也凡治此症初起寒熱作

痛時便用五積散加牛膝紅花發汗散寒通行經絡或萬靈丹發汗亦可次以大防風湯行經活血
滲溼補虛又有生於尻臀部位漫腫作疼者內托
羌活湯腿內近膝股漫腫木痛者內托萆薢湯腿
外側者內托酒煎湯初起通用人參敗毒散加木
瓜牛膝蘇木紅花虛者十全大補湯加羌活防己
牛膝已成欲作膿者附子八珍湯膿成脹痛者卽
針之膿稠而黃體實者十全大補湯膿清色白體

虛者保元大成湯食少體倦者香砂六君子湯脾
虛寒熱者補中益氣湯以此調理可也又有風溼
相乘之症初起寒熱交作次傳腿腫作痛其形光
亮微紅發熱腫痛按之如泥不便起者宜當歸拈
痛湯或茯苓佐經湯間服萬靈丹和之以上之症
皆由元氣不足中來不可誤用損脾泄氣敗毒等
藥外禁寒涼等法如誤用之必致氣血冰凝內肉
瘀腐日久化爲汚米敗膿流而不禁者終死又有

房慾勞傷寒熱互變氣血乖違經脉橫解受病日
深以成斯疾者其患大腿漸漸腫如冬瓜上過脘
腹下連足底牽連漫腫皮色不紅日久潰膿色白
腥穢腫仍不消痛仍不減元氣日衰身體縮小唇
舌乾焦二便枯秘諸藥不効飲食不進者終爲不
治又有鶴膝風乃是三陰虧損之症初起寒熱交
作時亦宜五積散加牛膝紅花或萬靈丹發汗俱
可如汗後腫痛仍不消減此陰寒深伏以大防風

湯溫暖經絡重者兼灸膝眼二穴敷以琥珀膏亦可漸漸取効又如以上之法俱不効者終成痼疾不必強藥消之只宜先天大造丸史國公酒藥每常服之終年亦可轉重就輕移步行履尚可圖也

附骨疽看法

初起身微寒熱飲食如常結腫微紅疼不附骨者順已成舉動自便結腫成囊疼痛有時膿易成者爲吉潰膿稠腫消痛減身體輕便醒甦腫穩不熱者吉

潰後元氣易復飲食易進內肉易實膿水易乾者吉
初起身發寒熱漫腫色白肢體牽強疼痛附骨者陰
已成舉動不便通腿漫腫不熱不紅不作膿者爲陰
已潰膿水清稀氣穢腥臭腫痛不消形體日削者死
潰後脾胃虛弱飲食無味口渴不止唇白皮枯者死

附骨疽治法

初起發熱惡寒身體拘急腿脚腫痛脉浮緊者散之
已成腿脚腫痛皮色不變上下通腫者散寒溫經絡

寒熱作腫色白光亮按之如泥不起者宜健脾滲溼
身體無熱惡寒脉遲而濇腿腫不熱者養血溫經絡
暑中三陰脉洪而數腿脚掀腫口乾便燥者宜下之
已潰膿水清稀飲食減少形體消瘦者補中健脾胃
潰後腫痛不減膿水不止虛熱不退者溫中養氣血
愈後筋骨牽強曲伸不便者宜滋養氣血通利關節

附骨疽治驗

一男子中寒發散未盡大腿腫痛脉浮數而無力此

風寒未盡內虛故也以五積散去麻黃加牛膝二服疼痛稍減又以內托黃芪酒煎湯四服通腫俱消惟腿外側結腫一塊不退此瘀血凝滯欲作膿也以托裏藥候膿熟針之更以十全大補湯而歛一男子勞碌遇寒每發腿痛發則寒熱嘔吐胸痞不食此因氣惱飲食不節脾胃受傷故脾氣有虧飲食不能運化痰滯中脘溼熱動而下流注爲脚氣以開結導引丸二服行去停痰又以半夏佐經湯

數服嘔止膈利更以附子六物湯數劑消而不發
一老人年六旬過慾腎虛致筋攣痺縮脚膝無力不
能步履外貼祛風逐溼膏內服三因勝駿丸而愈
一男子右腿腫痛兩月餘予曰膿已成久何不開之
彼曰二老醫同治俱稱內消無膿其膿不知真否
此當再請二老決之又曰此必無膿但患者昏沉
不醒命在危篤予強開之出膿盆許以獨參湯連
進二服而甦後以十全大補湯調理百日外而安

一男子房事後陰寒大腿無形作痛至夜尤甚不能步履醫以散寒除溼消痰止痛藥治之其疼益增脰之脉細濇而無力此氣血不足寒氣所乘之症當以大防風湯二劑疼痛頓減又四劑其疾痊安一男子暑月慾後當風睡卧致寒氣襲於左腿遂成腫痛寒熱交作胸痞不食以保安萬靈丹葱湯化服洗浴發汗以散骨髓寒毒後以大防風湯去羌活加紅花破故紙溫煖腎經通行經絡腫痛漸消

血脉漸和後以三因勝駿丸間服調理兩月而愈
一監生似前慾後受寒致成腿痛予以暖腎氣溫經
絡散寒邪藥治之彼以爲緩請內醫甘服表散之
劑外邪雖散其內必虛又以小柴胡湯等藥調理
致虛熱發作口燥咽乾煩渴不已又以知母石膏
湯清其上防風木瓜威靈仙等劑攻其下衆議紛
紛雜藥妄進致病愈劇仍復請治其時患腿愈腫
其形縮小此必死症也況此症原從腎經受寒非

附子破故紙不能通達關節非羌活防風牛膝不能通行閉滯非人參白朮炙甘草不能使脾氣行達四肢非川芎當歸白芍熟地紅花不能養血活血凡病從虛而入者先補其虛後攻其病況治此症不加溫補而反用發散解肌以正風寒有餘之法治之不死何愈後果死醫者衆悞始信而服之

附骨疽主治方

五積散

五積散桂芍歸桔
枳殼乾姜併厚朴

蒼牛麻陳芍茯苓
白芷甘草共姜行

治風寒溼毒客於經絡致筋攣骨痛或腰脚酸疼或遍身拘急或發熱惡寒頭痛者並宜服之

蒼朮

二錢

陳皮

桔梗

川芎

當歸

白芍

各一錢

麻黃

枳殼

桂心

乾薑

厚朴

各六分

白芷

半夏

甘草

茯苓

各四分

薑三片水二鍾煎八分不拘時服頭痛惡寒者

加連鬚葱頭三根蓋汗爲効下部加木瓜牛膝

內托羗活湯

內托羗活湯蒼柏
歸尾陳皮兼甘草

防桂連翹藥本芪
紅花加上効堪推

治尻臀患癰堅硬腫痛兩尺脉緊數按之無力

羗活

黃栢

防風

歸尾

藥本

肉桂

各一錢

黃芪

五分

連翹

其草

蒼朮

陳皮

各六分

紅花

五分

水酒各一茶鍾煎八分食前服

當歸拈痛湯

當歸拈痛湯二朮
升麻茵陳甘草節

羌活防芩澤瀉苓
人參知母要調勻

治溼熱下注腿脚生瘡赤腫作痛或腰脚酸痛

或四肢遍身重痛或下部頑麻作痒或成血風

羌活

當歸

防風

茵陳

蒼朮

各一錢

苦參

升麻

白朮

各七分

葛根

甘草

黃芩

知母

澤瀉

猪苓

人參

各五分

黃柏

三分

水二鍾煎八分食前服

內托黃芪湯

內托黃芪湯黃柏柴胡肉桂連翹等

羌活當歸生地黃木瓜加上効非常

治溼熱腿內近膝股患癰或附骨癰初起腫痛

此太陰厥陰之分也脉細而弦按之洪緩有力

黃芪

鹽水拌炒

當歸

柴胡

木瓜

連翹

各一錢

羌活

肉桂

生地黃

黃柏

各五分

水酒各一鍾煎一半空心熱服

內托酒煎湯

內托酒煎湯桂芪
甘草升麻大力子

柴胡連翹黃柏宜
煎同水酒効堪推

治寒溼發於腿外側少陽經分患癱或附骨癰

堅硬漫腫作痛或流至足陽明經作腫亦治之

黃芪

當歸

各二錢

柴胡

一錢五分

連翹

肉桂

大力子

各一錢

升麻

黃栢

甘草

各五分

水酒各一茶鍾煎一半食前服

茯苓佐經湯

茯苓佐經湯半夏
藿香澤瀉柴胡等

二米陳皮草葛根
木瓜厚朴共同行

治足少陽經爲四氣所乘以致腰腿發熱疼痛

頭目昏眩嘔吐不食胸膈不利心煩熱悶等症

茯苓

陳皮

半夏

白朮

蒼朮各一錢 藿香 澤瀉 甘草

葛根 柴胡 厚朴 木瓜各五分

水二鍾姜三片煎八分食前服

附子六物湯附子六物湯甘草 防已白朮桂枝苓

治四氣流注於足太陰經骨節煩痛四肢拘急

自汗短氣小便不利手足或時浮腫並皆服之

附子 甘草各一錢 防已 白朮

茯苓各八分 桂枝五分

水二鍾薑三片煎八分食遠服

麻黃左經湯

麻黃左經湯葛根防已甘草細辛等

羌活防風蒼朮苓桂心姜棗劫通神

治風寒暑溼流注足太陽經腰足攣痺關節重

痛增寒發熱無汗惡寒或自汗惡風頭痛等症

麻黃

葛根

羌活

防風

蒼朮

茯苓

防已

各一錢

桂心

細辛

甘草

各五分

水二鍾薑三片棗二枚煎八分食前服

小續命湯

小續命湯芎白朮
附子麻黃桂枝等

防風防已共人參
白芍黃芩甘草憑

治寒溼之氣中於三陽致身不熱所患煩疼或
脚轉筋或腫或不腫或膝腿頑痺或時緩縱不
隨或遍身百節攣痛或小腸疝氣攻冲並服之

川芎

白朮

防風

人參

防已

附子

生用

麻黃

有汁去之

桂心

黃芩

白芍

各一錢

甘草

五分

水二鍾煎八分入薑汁一匙和勻食前服又暑

中三陰所患必熱去附子減桂枝一半

大防風湯

大防風湯本附歸羌活牛膝併甘草

參芍川芎杜仲茂姜引加之熟地隨

治三陰之氣不足風邪乘之兩膝作痛久則膝

愈大而腿愈細因名曰鶴膝風乃敗症也非此

方不能治又治附骨疽皮色不變大腿通腫痠

痛無奈及痢後脚痛緩弱不能行或腿膝腫痛

人參

二錢

防風

白朮

附子

當歸

白芍

川芎

杜仲

黃芪

羌活

牛膝

甘草

熟地

各一錢

水二鍾薑三片煎八分食前服

檳蘇散

檳蘇散內用木瓜
羌活木香姜作引

香附陳皮大腹加
敢教風溼疾無他

治風溼流注脚脛酸痛或麻痺不仁嘔吐不食

檳榔

紫蘇

木瓜

香附

陳皮

大腹皮

各一錢

木香

三分

羌活

五分

水二鍾薑三片葱白三莖煎一鍾空心服

獨活寄生湯

獨活寄生湯茯苓桂心杜仲秦芫膝

芎歸防芍細辛參熟地甘草共相平

治肝腎虛弱風溼內攻足脛緩縱或膝痺攣重

獨活

錢二

茯苓

川芎

當歸

防風

白芍

細辛

人參

桂心

杜仲

秦芫

牛膝

熟地

桑寄生

真者各一錢

甘草

五分

水二鍾薑三片煎八分食前服

神應養真丹

神應養真丹木瓜
羌活熟地兔絲子

當歸芍药共天麻
蜜丸酒服効堪誇

治厥陰經爲四氣所襲脚膝無力左癱右瘓半
身不遂手足頑麻言語蹇澁氣血凝滯遍身疼
痛者並服

當歸

川芎

白芍

天麻

羌活

熟地搗膏

木瓜

兔絲子各等分

右爲細末入地黃膏加蜜丸如桐子大每服百
九空心溫酒鹽湯任下

三因勝駿丸

三因勝駿膝附歸射乳戟廿羌沒薺

防麻棗熟木槿隨

治元氣不足真氣虛弱及諸虛被寒溼氣侵襲

手足拳攣脚指連脚面拘急走注疼痛筋脉不

伸行步不隨常服益真氣壯筋骨黑髭鬚滑皮

膚一切足弱鶴膝風症膝愈大而腿愈細並治

附子

一枚一兩之外製之

當歸

明天麻

牛膝

酸棗仁

熟地

搗膏

防風

各二兩

木瓜

四兩

蛭蝎

淨身一兩

麝香

一錢

乳香

木香

沒藥

羌活

甘草

炙各五錢

檳榔

川芎

肉蓯蓉

破故紙

巴戟

去心

蒼朮

各一兩

右爲細末煉蜜丸桐子大每服七十丸空心淡

鹽湯溫酒任下病近者七日年深者半月見効

健步丸

健步丸中用苦參羌活滑石瓜蒌等

防風防已澤柴呈甘草川烏肉桂評

治生平好飲食燒酒多傷於脾肺膝中無力伸

不能屈屈不能伸膝脊腿脚沉重行步艱難者

苦參

酒洗

防已

酒浸微焙

羌活

柴胡

滑石

炒

瓜蒌根

甘草

各五錢

防風

肉桂

各三錢

澤瀉

一兩半

川烏

泡二錢

右爲細末酒糊爲丸如桐子大每服三十九空心溫酒送下

大腹子散

大腹子散蘇木瓜獨活桑皮併枳殼

羌荆赤芍木通加甘草青皮炒可誇

治風毒脚氣上攻寒熱交作肢節煩疼心神

大腹子

紫蘇

木瓜

羌活

荊芥

赤芍

木通

獨活

桑白皮

青皮

各五分

枳殼

一錢

甘草

三分

水二鍾薑五片葱白三莖煎八分空心服

加味敗毒散

加味敗毒散人參茯苓枳殼同甘草

羌獨前柴芎桔梗木瓜蒼朮此為能

治足三陽經溼熱毒氣流注腳踝焮赤腫痛寒熱如瘡自汗惡風或無汗惡寒或惡聞飲食者

人參

羌活

獨活

前胡

柴胡

川芎

桔梗

茯苓

枳殼

甘草

木瓜

蒼朮

各八分

水二鍾薑三片煎八分食前服便秘加炒大黃

千里健步散

千里健步散奇功
加上草烏為細末

細辛防風白芷
長安瞬息即時通

治遠行兩腳腫痛若用之可行千里輕便甚妙

細辛

防風

白芷

草烏

右等分為末摻在鞋底內如底乾即以水微溼

過摻藥着脚行走自不吃力再不作腫

雷火神鍼

雷火神針効罕稀
風寒溼毒艱難病

丁香新艾麝香隨
針之患上効堪推

治風寒溼毒襲於經絡爲患漫腫無頭皮色不
變筋骨疼痛起坐艱難不得安臥者用此針之

新艾

錢三

丁香

分五

麝香

分二

藥與新艾搽和先將來紙作筒如指麤大用艾
藥疊實收用臨用以肖山紙七層平放患上將
針點着頭對患向紙捺實待不痛方起針病
甚者再復一次七日後火瘡大發自取功效矣

追風逐溼膏

逐溼膏中川草烏
羌活正木歸蒲苓

麻藤星桂半草圖
大黃獨活共相扶

治風寒暑溼相傷以致骨節疼痛筋攣不能步履或麻木淫痺等症並効

希莖草

麻黃

川烏

草烏

風藤

半夏

南星

羌活

草麻子

打碎

桂枝

各三兩

獨活

細辛

當歸

白芷

蒼朮

大黃

各二兩

以上藥各切咀片用葱汁薑汁各二碗拌藥先浸一宿次日用香油半斤同藥入鍋內慢火煎

至葱薑二汁將乾不報時油方與藥相煎渣枯
爲度細絹濾清每油一斤下飛過炒丹十兩爲
准配用再將前油入鍋內煎滾以油滴水成珠
不散方下黃丹徐徐攪入其膏已成再下礪淨
松香淨末一斤四兩再同熬化取下鍋來以盆
頻穩再下乳香木香胡椒輕粉各末二兩白芥
子細末四兩漸入攪勻傾入鉢內盛貯漸用熱
湯頓化綾段攤貼七日後諸病可痊百發百中

附骨疽應用方

保安萬靈丹

見癰疽腫疽門

十全大補湯

見潰瘍門

小柴胡湯

見癰疽腫門

腸癰論第二十八

夫腸癰者皆溼熱瘀血流入小腸而成也又由來有三一男子暴急奔走以致腸胃傳送不能舒利敗血濁氣壅遏而成者一也二婦人產後體虛多卧未經起坐又或坐草艱難用力太過育後失逐敗

瘀以致敗血停積腸胃結滯而成者二也三饑飽
勞傷擔負重物致傷腸胃又或醉飽房勞過傷精
力或坐冷並進以致氣血乖違溼動痰生多致腸
胃痞塞運化不通氣血凝滯而成者三也總之初
起外症發熱惡寒脉芤而數皮毛錯縱腹急漸腫
按之急痛大便墜重小便澀滯若淋甚者臍突腹
脹轉側水聲此等並見則內癰已成也初起未成
時小腹殷殷作痛儼似奔豚小便淋瀝者當大黃

湯下之瘀血去盡自安體虛脉細不敢下者活血
散瘀湯和利之已成腹中疼痛脹滿不食便淋刺
痛者薏苡仁湯主之腹濡而痛小腹急脹時時下
膿者毒未解也用牡丹皮湯治之如膿從臍出腹
脹不除飲食減少面白神勞此皆氣血俱虛宜八
珍湯加牡丹皮肉桂黃芪五味子斂而補之如積
聚日久因循不識此症誤作脹病治之以致毒攻
內臟腸胃受傷或致陰器攻爛腐爛黑斑色敗無

膿每流汚水腹連陰痛煩躁不止身熱口乾衾幃
多臭卧房難進者凡犯之俱爲不治證宜斟酌之
腸癰看法

初起小腹疼痛小便不利六脉微緩不作寒熱者輕
已成小腹腫而堅硬小便數而不利六脉洪數者險
已潰時時下膿裏急後重日夜無度疼痛不減者重
潰後膿腥臭穢或流敗水濁瘀虛熱更增不食者死

腸癰治法

起。小腹疼痛。或軟或硬。脉孔數者。瘀血也。宜下之。
小腹作痛有塊。大便秘澁。小便如淋者。宜和而利之。
已潰。時時下膿。復痛不止。飲食無味者。宜托而補之。
產婦惡露不盡。流注小腸。作痛。脉數者。宜和而導之。
腹脹日久。臍高突出。轉側嚮如水聲。膿內蓄。急針之。

腸癰治驗

一男子小腹脹痛。裏急後重。時時下膿。醫作痢疾治之。
愈重。診之脉孔而數。此小腸癰也。以苡仁湯一

桃仁

去皮尖
各二錢

水二鍾煎八分食前或空心溫服

活血散瘀湯

活血散瘀湯赤芍
瓜蒌枳殼桃仁等

芍歸蘇木與丹皮
枳榔加上大黃隨

治產後惡露不盡或經後瘀血作痛或暴急奔走或男子杖後瘀血流注腸胃作痛漸成內癰及腹痛大便燥者並宜服之

川芎

歸尾

赤芍

蘇木

牡丹皮

枳殼

瓜蒌仁

去皮尖

桃仁

去皮尖
各一錢

檳榔

六分

大黃

酒炒二錢

水二鍾煎八分空心服渣再煎服

牡丹皮散

牡丹皮散芍藥黃芪甘草白芷芎歸等

茯苓薏苡牡丹皮桃仁官桂木香宜

治腸癰腹濡而痛以手重按則止或時時下膿

人參

牡丹皮

白芍

茯苓

黃芪

薏苡仁

桃仁

白芷

當歸

川芎各一錢

甘草

官桂各五分

木香

三分

水二鍾煎八分食前服

七賢散

七賢散內參山藥
茯苓還有黃芪輩

黃肉丹皮熟地黃
姜棗同煎理內傷

治腸癰潰後疼痛淋瀝不已或精神減少飲食
無味面色痿黃四肢無力自汗盜汗睡卧不寧

茯苓

山藥

牡丹皮

山茱萸

熟地黃

人參

各一錢

黃芪

二錢

水二鍾煨薑三片大棗二枚煎八分食前服

失笑散

失笑散用五靈丹
心腹諸疼併疝痛

還有蒲黃相更隨
吞之即可樂嘻嘻

治產後心腹絞痛欲死或血迷心竅不省人事
及尋常腹內瘀血或積血作痛又婦人血氣爲
病作痛之聖藥也及治男子諸疝疼痛不已者

五靈脂

蒲黃

俱炒
等分

右爲細末每服三錢醋一合調稠熬數滾入水
一鍾煎七分食前連藥服用醋爲丸每服二錢
淡醋湯下治前症亦妙

排膿散

排膿散內用黃芪
銀花再兼瓜蒌等

白芷芳歸山甲宜
防風加上効雄雞

治腸癰小腹脹痛脉滑數裏急後重時時下膿

黃芪

當歸

金銀花

白芷

川山甲

防風

川芎

瓜蒌仁

各一錢

水二鍾煎八分食前服或爲末每服二三錢食遠蜜湯調下亦可

瓜蒌子湯

瓜蒌子湯薏苡仁
產後惡露併瘀血

桃仁丹皮共此呈
腸胃停滯用此清

治產後惡露不盡或經後瘀血停滯腸胃作痛
縱非是癰服之亦効

薏苡仁

四錢

桃仁

牡丹皮

瓜蒌仁

各二錢

水二鍾煎八分食前併空心服

薏苡仁湯

薏苡仁湯功效奇

腸癰腹痛最堪醫

治腸癰腹中疼痛或脹滿不食小便澀滯婦人

產後多有此病縱非癰服之尤効

薏苡仁

瓜蒌仁

各三錢

牡丹皮

桃仁

去皮尖各二錢

白芍

錢一

水二鍾煎八分空心服

應用方

八珍湯

十全大補湯

八味丸

俱見潰瘍門

臟毒論第二十九

夫臟毒者醇酒厚味勤勞辛苦蘊毒流注肛門結成
腫塊其病有內外之別虛實之殊發於外者多實
多熱脉數有力肛門突腫大便秘結肚腹不寬小
水不利甚者肛門肉泛如龜孔頭緊閉此爲外發

屬陽易治宜四順清涼飲內消沃雪湯通利大小
二便痛甚者珍珠散人中白散搽之膿脹痛者針
之發於內者屬陰虛溼熱滲入肛門內臟結腫刺
痛如鍼小便淋瀝大便虛秘咳嗽生痰脈數虛細
寒熱往來遇夜尤甚此爲內發屬陰難治宜四物
湯加黃栢知母天花粉甘草兼以六味地黃丸調
治候內臟膿出則安又有生平情性暴急縱食膏
粱或兼蘊術蘊毒結於臟腑火熱流注肛門結而

爲腫其患痛連小腹肛門墜重二便乖違或瀉或
秘肛門內蝕串爛經絡污水流通大孔無奈飲食
不食作渴之甚凡犯此未得見其有生又有虛勞
久嗽痰火結腫肛門如栗者破必成漏歷盡氣血
必亡此二症乃內傷之故非藥可療不可勉治也

臍毒看法

初起腫痛紅色光亮疼痛有時肛門不墜便和者易
已成癰赤腫痛發熱不渴小便不數展轉自便者順

已潰膿稠色鮮不臭焮腫消疼痛漸減能食者順
潰後膿水漸止新肉易生不疼多痒瘡口易乾者順
初起堅硬漫腫的臟閉痛小便頻數大便秘結者陰
已成疼痛日甚連小腹泄門閉緊下氣不通者重
已潰臭水淋漓疼痛不減腫仍不消身熱唇焦者逆

臟毒治法

初起寒熱交作大便秘墜痛脉浮數者宜用輕劑解散
已成內熱口乾大便秘結脉沉實而有力者當下之

肛門腫痛常欲便而下墜作痛者導溼熱兼瀉邪火
肛門焮腫疼痛小便澀滯小腹急脹者清肝利小水
出膿腥臭疼痛不減身熱者養血健脾胃更兼滲溼
膿水清稀脾胃虛弱不能收斂者滋腎氣急補脾胃
臈毒治驗

一男子肛門腫突紅紫痛甚以內消沃雪湯二服大
便已通數次疼痛稍減外腫上以珍珠散清蜜調
搽早晚二次其腫漸消更以涼血地黃湯而痊愈

一婦人產後用力太過肛門墜腫疼痛之苦甚先以枳殼紫蘇煎湯薰洗後以珍珠散加水片猪脊髓調搽內以四物湯加升麻蒼朮丹皮枳殼服之而消

一男子夏月好飲火酒熱毒流入肛門結腫堅硬形色紫黑墜痛便秘以黃連解毒湯加大黃枳殼二劑便通疼痛稍止又以四物湯合前湯數劑其腫漸消存堅腫大不散以臙連丸服至月餘而愈

一婦人肛門腫突堅硬痛極用攻利解毒藥俱不應

以神燈照法照之早晚二次其疼方減以蟾酥錠磨濃塗之堅硬漸腐爲膿仍服內消沃雪湯二劑便通疼苦減其大半又以四物湯加黃栢知母厚朴蒼朮外以珍珠散加冰片豬髓調搽月餘而平男子素有內痔便血常欲脫肛一朝肛門墜重不收腫痛突起光亮紫色此溼熱流注結腫固難收入以黃連除溼湯二劑外用珍珠散加冰片清蜜調塗其腫痛漸減後以補中益氣湯加生地黃連

蒼朮天花粉牡丹皮服之數劑其腫痛漸減而平
一監生素性急暴每縱膏粱因積毒流於大腸內如
針刺外肛不腫常欲後重便則秘結胗之脉空數
而無力此真氣不足邪火有餘內臟虧損症也後
必難痊辭不可治後請別醫用藥月餘肛門內腐
敗水無禁復請視之予曰決不可療也脉來虛數
邪勝正也手掌不澤脾氣敗也至夜發熱陰虛火
旺敗水無禁幽門已壞面若塗脂元氣走散鼻如

烟煤肺氣將絕口乾舌燥腎水已竭犯此豈有不
死之理患者不服強用解毒滋陰藥餌不効而死

臟毒主治方

黃連除溼湯

黃連除溼湯 芩朴 防風 甘草 硝黃等

蒼朮 陳歸 枳殼 翹 臟毒懸癰此莫逃

治臟毒初起溼熱流注肛門結腫疼痛小便不利
大便秘結身熱口乾脉數有力或裏急後重

黃連

黃芩

川芎

當歸

防風

蒼朮

厚朴

枳殼

連翹

各一錢

荊草

五分

大黃

朴硝

各二錢

水二鍾煎八分空心服

涼血地黃湯

涼血地黃湯連翹人參花粉茯苓草

生地芍歸木地榆山梔加上効應乎

治臟毒已成未成或腫不腫肛門疼痛大便墜重或泄或秘常時便血頭暈眼花腰膝無力者

川芎

當歸

白芍

生地

白朮

茯苓

各一錢

黃連

地榆

人參

山梔

天花粉

甘草

各五分

水二鍾煎八分食前服

內托黃芪散

內托黃芪散芍歸角針白朮栝榔等

川芎山甲其陳皮臙毒將成此藥醫

治臙毒已成紅色光亮已欲作膿不必內消宜服此藥潰膿

川芎

當歸

陳皮

白朮

黃芪

白芍

穿山甲

角針各一錢

栝榔

三分

水二鍾煎八分食前服

黃連解毒湯

見癰疽腫瘍門

治好飲法酒縱食膏粱積熱流入大腸致肛門結成腫痛疼刺如錐堅硬如石宜服

金液戊土膏

見癰疽門

治臟毒出於驕奢情性慣於急暴烈火猖狂思不如願水已枯竭火不發泄旺而又鬱鬱而又旺以致肛門結腫毒攻內臟痛如芒刺熾如火炕臭水淋漓生命難望宜服此藥免生惆悵也

珍珠散

見一
痲門

治肛門腫泛如箍紅紫急脹堅硬痛極本方加
冰片研極細猪脊髓調塗患上早晚日用二次
應用方

六味地黃丸

見肺
癰門

四順清涼飲

見湯液
火燒門

內消沃雪湯

神燈照法

蟾酥錠

俱見腫
瘍門

四物湯

補中益氣湯

俱見潰
瘍門

人中白散

珍珠散

俱見下
痔門

臟連丸

見痔
瘡門

痔瘡論第三十

夫痔者乃素積溼熱過食炙博或因久坐而血脉不行又因七情而過傷生冷以及擔輕負重竭力遠行氣血縱橫經絡交錯又或酒色過度腸胃受傷以致濁氣瘀血流注肛門俱能發痔此患不論老幼男婦皆然蓋有生於肛內之肉又突於肛外之傍治分內外各自隄防大者若蓮花蜂巢翻花雞

冠菱角珊瑚等狀小者如櫻珠鼠尾牛奶雞心核
桃蜆肉之形故積毒深者其形異而頑惡毒淺者
其形正而平常久則崩潰成漏新則墜腫刺疼甚
者糞從孔出血從竅流氣血日有所傷形容漸有
所削若不早治終至傷人因常治法多用針刀砒
礪線墜等法患者受之苦楚聞此因循都不醫治
予療此症藥味數品從火煨煉性卽純和百試百
驗此方法由來異矣凡療內痔者先用通利藥湯

滌臟腑然後用喚痔散塗入肛門片時內痔自然
泛出卽用葱湯洗淨搽枯痔散早午晚每日三次
次次溫湯洗淨搽藥輕者七日重者十一日其痔
自然枯黑乾硬停止枯藥其時痔邊裂縫流膿換
用起痔湯日洗一次待痔落之後換搽生肌散或
鳳雛膏等藥生肌斂口虛者兼服補藥其口半月
自可完矣外痔者用消毒散煎洗隨用枯痔散照
內痔搽法用之首尾至終無異完口百日入房乃

古又至於穿腸久漏者此則另有二方亦具於後
以致深患者服之又不用針刀掛線効如拾芥耳
痔瘡看法

初起形如牛奶不腫不紅無焮無痛行走不覺者輕
已成腫痛有時遇勞而發或軟或硬頭出黃水者輕
久如雞冠蜂窠蓮花翻花等狀流膿出血不止者重
久漏竅通臀腿膿水淋漓疼痛不已糞從孔出者逆
痔瘡治法

初起及已成漸漸大而便澁作痛者宜潤燥及滋陰
肛門下墜大便去血時或疼痛堅硬者宜清火滲溼
紫色疼痛大便虛秘兼作痒者涼血祛風疎利溼熱
腫痛堅硬後重墜刺便去難者外宜薰洗內當宣利
內痔去血登廁脫肛而難上收者當健脾升舉中氣
便前便後下血面色痿黃心忪耳鳴者宜養血健脾
諸痔欲斷其根必須枯藥當完其竅必杜房勞乃愈

痔瘡治驗

一男子患痔六年每遇酒色勞役痔則發腫堅硬疼
苦十餘日方得稍可彼欲斷其根以枯痔散上至
七日外其痔漸黑裂縫至十六日痔枯脫落孔若
雞心以生肌散逐日用之內補養血健脾藥而愈
一男子患痔焮腫作痛大便結燥脉數有力以內疎
黃連湯二服便行痛止又以四物湯加芩連枳殼
天花粉數劑而腫消更以臟連丸一料而不復發
一男子患痔凡遇勞發腫作痛以枳殼湯薰洗內服

防風秦艽湯數服腫痛俱減令彼常洗前湯每月五六次內與六味地黄丸加黃柏知母服之不發一男子好飲多慾內痔虛墜下血以四物湯加芩連升麻葛根數服虛墜乃止又以當歸郁李仁湯二劑痔腫亦消更服臟連丸月餘便血亦止又月餘兼節酒色不發大抵醉飽入房經脉橫解或精氣泄脉絡必虛酒食之毒乘虛流結或淫極強固精氣以致敗精濁血遂傳大腸又或飲食厚味燥

淫流注俱成斯疾所受病者燥氣也爲病者淫氣也初宜瀉火和血潤燥疎風久宜養血滋陰健脾滲溼治之自愈若不節酒色不慎起居不戒口味破必成漏久則穿腸串臀穢從孔出臭水淋漓晝夜無禁凡得此者雖不傷生每苦瘡污可歎息哉一男子患痔十餘年頭已穿潰未及通腸每發痛苦以三品一條鎗插至七日痔變黑色瘡邊漸漸裂縫至十五日脫落以鳳雛膏搽至半月口歛而平

一男子怯弱內痔便血面色痿黃自服涼血止血藥不應脰之脾脉虛而無力此中氣不足不能統血以補中益氣湯十餘服精神頓倍便血亦少又以加味四君子湯兼前湯間服月餘不發大抵此症所致之由不同當究其因治之如元氣有餘形黑氣盛先糞而後紫血者更兼脉實有力此屬有餘法當涼血止血藥應自効至若形體瘦弱面色痿黃先鮮血而後糞者更兼脉虛無力此屬不足豈

可反用涼藥止之致傷脾胃此症若不溫中健脾
升舉中氣其血不得歸原故藥難効遠其根本也
痔瘡主治方

防風秦艽湯

防風秦艽湯芍歸
枳翹根角山梔殼

芩苓草地黃隨
白芷還兼蒼朮宜

治痔瘡不論新久肛門便血墜重作疼者並効

防風

秦艽

當歸

川芎

生地

白芍

赤茯苓

連翹

各一錢

枳榔

甘草

梔子

地榆

枳殼

槐角

白芷

蒼朮

各六分

水二鍾煎八分食前服便秘者加大黃二錢

提肛散

提肛散內用芎歸參朮芪陳甘草隨升麻柴芩併白芷加上黃連効可奇

治氣虛肛門下墜及脫肛便血脾胃虛弱等症

川芎

歸身

白朮

人參

黃芪

陳皮

甘草

各一錢

升麻

柴胡

條芩

黃連

白芷

各五分

水二鍾煎八分食遠服渣再煎服

加味四君子湯

加味四君子湯 茯苓 扁豆 與人參 黃芪 甘草 姜棗等 痔瘡脾倦効如神

治痔瘡痔漏下血不止面色痿黃心忪耳鳴脚

弱氣乏及一切脾虛口淡食不知味又治中氣

虛不能攝血致便血不禁者並効

人參

白朮

茯苓

白扁豆

黃芪

炙

甘草

炙各一錢

水二鍾薑一片棗二枚煎八分食前服

當歸郁李湯

當歸郁李湯生地 麻仁 枳實 併蒼朮

大黃澤瀉共秦苑 皂子相兼用莫迷

治痔大便結燥大腸下墜出血苦痛不能忍者

當歸 郁李仁 澤瀉 生地黃

大黃 枳實 蒼朮 秦艽 各一錢

麻子仁 研一錢五分 皂角 一錢

水二鍾煎八分空心服

芩歸湯 芩歸湯內用芩歸 失血虛羸大得宜 婦人產後虛煩熱 煎膏頃刻脫凡餘

治便血或失血過多兼婦人產後血虛煩熱頭

眩昏暈盜汗等症並効

川芎三錢 當歸酒拌五錢

水二鍾煎八分食前服自汗手足冷者加人參

二錢

三黃二地湯

三黃二地湯蒼朮厚朴陳皮白朮歸人參防風兼甘草地榆澤瀉共烏梅

治腸風諸痔便血不止及面色痿黃四肢無力

生地黃

熟地各一錢半

蒼朮

厚朴

陳皮

黃連

黃柏

黃芩

歸身

白朮

人參各一錢

甘草

防風

澤瀉

地榆

各六分

烏梅

二個

水二鍾煎八分食前服

栗殼散

栗殼散內用歸芪參苓厚朴陳皮草

生熟地黃蒼朮宜荷蒂芩升地骨皮

治諸痔作疼及腸風下血諸藥不止者宜服之

栗殼

溫湯泡去肉穢去蒂切絲蜜水拌炒土錢

當歸

陳皮

秦艽

黃芪

生地黃

熟地

各一錢

黃柏

黃芩

人參

蒼朮

厚朴

升麻

各六分

荷葉蒂

七個

甘草

五分

地骨皮

一分二錢

水一鍾煎八分食前服或為細末每服二錢空

心溫酒調服

洗痔枳殼湯

洗痔枳殼湯捐痛用此煎湯洗痔瘡

癩蝦蟆草相成其諸般疼痛苦隨時送

治痔瘡腫痛肛門下墜毋論新久洗之腫自消

枳殼

二兩

癩蝦蟆草

一名荔枝草四季常有而青背白麻紋墨墨者

是二兩

河水三瓢同上二味煎數滾洗薰後洗良久湯

留再熱薰洗。甚者三次卽消。洗淨。當搽後藥。

五倍子散

五倍子散。蝦蟆草。加上輕粉。水片好。痔瘡。腫痛及墜疼。用之。搽上。如回掃。

治諸痔。舉發。堅硬。疼痛。難忍。或膿毒肛門。泛出。

腫硬不收。亦効。五倍子。大者。敲一小孔。用陰乾。

癩蝦蟆草。搽碎。填塞五倍子內。用紙塞孔。濕紙。

包煨。片時許。取出。待冷。去紙。碾爲細末。每有一

錢。加輕粉三分。水片五厘。共研極細。待前湯洗。

後。用此乾搽痔上。卽腫勿動。其腫痛卽除。凡外

痔。用二方搽洗。亦可除根。永不再發。極効極効。

田螺水

田螺水治痔瘡。脫肛諸痔。雖難愈。

木片加之効罕聞。將來一掃効如神。

治痔瘡堅硬作痛。及脫肛腫泛不收者。並用之。

以大田螺一枚。川大冰片五厘。研末。用尖刀挑

起螺蓋。將冰片入內。平放。片時。待螺滲出漿水。

用雞翎蘸搽患上。勤勤掃之。其腫痛自然消散。

喚痔散

喚痔散中刺蝟皮。枯礬冰片。同研末。

草烏鹽射其能醫。津嚙調搽痔出齊。

凡醫內痔不得出。用此藥填入肛門。其痔即出。

草烏

生用一錢

刺蝟皮

一錢燒存性

枯礬

五錢

食鹽

炒三錢

麝香

五分

冰片

二分

右碾細末。先用溫湯洗淨肛門。隨用津唾調藥

三錢。填入肛門。片時。痔即當出。去藥。上護痔膏。

護痔膏

護痔膏中用石膏還加白芨同為末

黃連冰片射香饒蛋白相調効豈遜

用喚痔散。痔出之後。先用此藥。圍護四邊好肉。

白芨

石膏

黃連

各三錢

冰片

麝香

各二分

共碾細末。雞蛋清調成膏。護住四邊好肉。方上。

枯痔散。

枯痔散

枯痔散內用白礬
再加童子天靈蓋

蟾酥輕粉共硃良
枯痔方中効豈凡

凡痔瘡泛出。即用此藥塗之。年淺者五七日。年深者八九日。待痔乾黑後。不用此藥。每日用落痔湯洗之。

白礬

二兩

蟾酥

二錢

輕粉

四錢

硃霜

一兩

天靈蓋

四錢用青線木浸以天靈蓋煨紅水內浸煨七次

共研極細末入小新鐵鍋內上用瓦礫碗密蓋
鹽泥封固炭火煨至二炷京香待冷取開將藥
研末搽痔上每日辰午申三時用溫湯洗淨上
藥三次上至七八日其痔枯黑堅硬住藥裂縫
待其自落換洗起痔湯

起痔湯

起痔湯中 芩柏連 防風 甘草 山柰 等

大黃 荆芥 苦參 前 朴 硝 槐 角 共 煎 煎

治諸痔上枯藥之後黑色堅硬裂縫宜此藥洗

黃連

黃柏

黃芩

大黃

防風

荊芥

槐花

槐角

苦參

甘草

各一兩

朴硝

五錢

已上藥分作三次用水煎洗待痔落之後換搽

生肌散

生肌散

生肌散乳香沒藥赤石脂輕粉熊胆

海螵蛸龍骨黃丹珍珠粉冰片須參

治痔上枯藥之後脫落孔竅不收者宜用此搽

乳香

沒藥

各一兩

海螵蛸

水煮五錢

黃丹

飛炒四錢

赤石脂

煨七錢

龍骨

煨四錢

血 衄

錢三

熊 膽

錢四

輕 粉

錢五

冰 片

錢一

麝 香

錢八

珍 珠

錢二

共研極細末磁罐收貯早晚日搽二次蓋膏漸

歛而平

洗痔腫痛方

洗痔腫痛方朴硝
還有瓦花馬齒莧

魚腥苦棟不相饒
煎湯薰洗痔瘡消

魚腥草

苦棟根

朴硝

馬齒莧

瓦楞花

各一兩

水十碗煎七八碗先薰後洗諸痔腫痛可消

人中白散

見口
痺門

治諸痔腫痛堅硬墜重脫肛等症先用溫湯洗
淨隨後搽藥患上卽卧勿動其腫痛漸減此藥
常有便於痔故附錄而用之

三品一條鎗

見瘰
癧門

治十八種痔漏凡用藥線插入痔孔內早晚二
次初時每次插藥三條四日後每次插藥五六
條上至七八日藥力滿足痔變紫黑方往插藥

候痔四邊裂縫流膿至十四日期滿痔落用骨
草湯洗淨換搽鳳雛膏或玉紅膏俱可生肌收
歛虛弱者兼服養血健脾之藥最爲穩當大抵
醫人能取痔者皆此方也不可輕其藥而棄之

生肌鳳雛膏

生肌雞卵鳳雛膏
血痢再加白龍骨

乳香輕粉不相饒
生肌長肉發生苗

用雞蛋煮熟去白用黃十餘個銅杓內熬油傾
入盞內約油三錢加輕粉細末一錢乳香血痢
龍骨各末五分共入油內和勻每日早午晚雞

翎蘸塗患孔內膏蓋避風深者半月可以完口

煮線方

煮線方中用壁錢
白絲扣線將同煮

先花二味共相煎
諸痔瘻瘡用此搗

治諸痔及五癭六瘤凡蒂小而頭面大者宜用
此線繫其患根自効

先花 錢五

壁錢 錢二

用白色細扣線三錢同上二味用水一碗盛貯
小磁罐內慢火煮至湯乾爲度取線陰乾凡遇
前患用線一根患大者二根雙扣繫于根蒂兩

頭留線日漸緊之其患自然紫黑冰冷不熱爲度輕者七日重者十五日後必枯落後用珍珠散收口至妙

臍連丸

臍連丸本是黃連同搗爲丸溫酒服

諸臍將來灌煮煎敢教諸痔不纏綿

治痔無論新久但舉發便血作痛肛門墜重者黃連淨末八兩用公猪大臍盡頭一段長一尺二寸溫湯洗淨將連末灌入臍內兩頭以線扎緊用時酒二斤半砂鍋內煮酒將乾爲度取起

臟藥共搗如泥如藥爛再晒一時許復搗丸如

桐子大每服七十丸空心溫酒送下久服除根

胡連追毒丸

胡連追毒丸來異麝香刺蝟皮丸服

痔漏通腸効罕稀排盡瘀膿換好肌

治痔漏不拘遠年近日有漏通腸汚從孔出者

先用此丸追盡膿毒服後丸藥自然取効最穩

胡黃連

一兩切片姜汁拌炒

刺蝟皮

一兩炙切片再炒黃爲末

麝香

二分

軟飯爲丸麻子大每服一錢食前酒下服藥後

膿水反多是藥力到也勿懼之

黃連閉管丸

胡連閉管丸窺易決明山甲槐花等

得此之功難上難服下憂容換笑顏

胡黃連

淨末一兩

穿山甲

麻油內煮黃色

石決明

煅

槐花

微炒各末五錢

煉蜜丸如麻子大每服一錢空心清米湯送下

早晚日進二服至重者四十日而愈此方不用

針刀挂線不受苦楚誠起痼疾之良方也如漏

之四邊有硬肉突起者加蚤蘭二十個炒末和

入藥中此及遍身諸漏皆効

痔瘡應用方

內疎黃連湯

見腫瘍門

補中益氣湯

四物湯

俱見潰瘍門

六味地黄丸

見肺癰門

下疳論第三十一

下疳者邪淫慾火鬱滯而成其來有三一由男子慾念萌動陽物興舉淫火猖狂而未經發泄者以致敗精濁血流滯中途結而爲腫者一也二由婦人

陰器瘀精濁氣未淨接與交媾以致淫精傳襲而成者二也三由房術熱藥塗抹玉莖洗擦陰器興助陽火煽動陰精僥倖不衰久頓不泄多致火鬱未發而成者三也男子萌念火鬱之症初起先必澀淋小便溺痛次流黃濁敗精陽物漸損甚則腫痛腐爛法當疎利肝腎邪火如八正散清肝導滯湯之類是也婦人陰器不潔初起先從皮腫光亮甚如水晶皮破流水腫痛口生痒麻時發治當解

毒消風如龍膽瀉肝湯兼平胃散合而用之男婦
房術所傷蘊毒所致初起陽物痒痛堅硬紫色疙
瘡漸生腐爛漸作血水淋漓不時與舉治當瀉火
解毒如黃連解毒湯蘆薈丸之類是也外以銀粉
散珍珠散人中白散選用又有先發時瘡誤用薰
條擦藥結毒於此者詳註結毒門不在此類推之

下疳看法

初起不紅不腫睡不舉陽玉莖微損小水自利者輕

已成微熱微腫皮色光亮小便赤色更兼白濁者平
已損肉色紅活焮無堅腫小便不疼大便不秘者可
初起小便淋漓次損陽物堅硬作疼腐爛漸開者險
已成腐潰內攻傷損玉莖色紫無膿疼如針刺者重

下疳治法

初起腫痛發熱小水澀滯肝經溼熱也宜瀉肝滲溼
腫痛堅硬焮發寒熱口燥咽乾大便秘者通利二便
玉莖腫痛小便如淋自汗盜汗時或尿血清心滋腎

莖竅作痒時出白濁發熱口乾津液少者益腎清心
潰後腫痛小便赤澀日則安靜夜則疼甚滋陰瀉火
潰爛不已腫硬又作疼痛日深穢氣不回清肝解毒

下疳治驗

一童子十五歲玉莖腫痛外皮浮腫比常龐大一倍
他醫治之以解毒清肝等藥愈腫愈痛予視之亦
用瀉火清熱滲溼等劑俱不見効胗之脉細數而
無力此中氣不足脾經溼水乘虛流注停聚不散

當行從治法也以四物湯合平胃散加水香熟附
子人參各五分一服腫痛頓退又四五服而全消
一男子腫痛發寒熱以荊防敗毒散二服而退又以
龍胆瀉肝湯腫痛亦減用四物加黃柏知母而消
一男子年四十色慾過度小便澀痛出如白漿結凍
成塊此腎傷溼熱爲患朝以八味丸午用八珍湯
加山萸牡丹皮黃柏知母服之月餘而澀腫亦退
小便漸清但竅中常有滑精不時滲出久致腰灣

脚膝無力偶以三因勝駿丸服至月餘前症悉愈
一男子莖頭腐爛小水澁痛外以珍珠散內服木通
湯四服澁痛亦止更服四物湯加黃栢花粉而痊
一男子初婚玉莖傷損出血疼甚先以葱湯浸洗良
久隨用珍珠散加冰片摻之腐皮漸乾痛亦漸止
內服四物湯加木通山梔四服其腫痛漸止而愈
一男子皮腫光亮發熱疼甚外敷如意金黃散內服
龍膽瀉肝湯加大黃便痛稍愈去大黃又服而消

下痢主治方

清肝導滯湯

清肝導滯湯瞿麥
大便秘之加大黃

滑石甘草併扁蓄
燈心為引空心服

治肝經溼熱玉莖腫痛小水澀滯作疼者服之

扁蓄

四錢

瞿麥

三錢

滑石

二錢

甘草

一錢

大黃

二錢便
秘加

水二鍾燈心二十根煎八分空心服

龍膽瀉肝湯

龍膽瀉肝湯地黃
黃芩梔子甘草等

車前澤瀉麥冬當
淫用黃連秘大黃

治肝經溼熱玉莖患瘡或便毒懸癰小便赤澀

或久潰爛不愈又治陰囊腫痛紅熱甚者並効

龍膽草

連翹

生地黃

澤瀉

各一錢

車前子

木通

歸尾

山梔

甘草

黃連

黃芩

各五分

大黃

二錢便秘加

水二鍾煎八分食前服

清肝滲溼湯

清肝參溼湯二木
山梔澤瀉川芎等

苓朴昆陳枌木通
當歸甘草木香同

治陰囊玉莖溼腫如猪肚小水不利墜重作痛

蒼朮

白朮

茯苓

山梔

厚朴

澤瀉

陳皮

木通

天花粉

昆布

各一錢

甘草

五分

木香

三分

川芎

當歸

各六分

作熱紅色加黃連龍膽草

各七分

水二鍾煎八分空心服

清心蓮子飲

清心蓮子飲黃芪黃芩甘草併澤瀉

赤茯苓人參地骨皮麥冬加上勁堆題

治心經蘊熱小便赤澀玉莖腫痛或莖竅作疼

及上盛下虛心火炎上口苦咽乾煩躁作渴

治虛陽口乾小便白濁夜則安靜晝則發熱者

石蓮肉 黃芪 黃芩 赤茯苓

人參名一錢 炙甘草 澤瀉 麥門冬

地骨皮各五分

水二鍾煎八分空心併食前服

八正散

八正散中用木通 車前瞿麥大黃同
扁蓄山梔併滑石 加之甘草効無窮

治肝經積熱小便淋閉不通及一切淋病俱効

大黃 車前子 瞿麥 扁蓄

山梔

木通

甘草

各一錢

滑石

二錢

水二鍾煎八分食前服

解毒木通湯

解毒木通湯栝連瞿麥滑石併甘草

膽草山梔蘆薈全還用燈心作引煎

治男婦房術熱藥所傷致玉莖陰戶痒痛小水澹滯白濁滑精至夜陽物興舉不得眠者服之

木通

黃連

龍膽草

瞿麥

滑石

山梔

黃柏

知母

各一錢

蒼蘆

甘草

各五分

水二鍾燈心二十根煎八分食前服

蘆薈丸

蘆薈丸中用二連
青皮麝木香同等

蕪荑鶴虱共雷丸
餅糊丸來共此全

治下痢潰爛作痛又治婦人陰蝕瘡作痒及小兒肝積發熱口鼻生瘡牙齦蝕爛等症

胡黃連

黃連

蘆薈

白蕪荑

青皮

白雷丸

鶴虱草

各一兩

麝香

一錢

木香

三錢

右為末蒸餅糊丸如麻子大每服一錢空心清

米湯送下

銀粉散

銀粉散効真罕稀
輕粉水銀併煨粉

錫炒硃砂効不微
下疳結毒敢相違

治下疳毋論新久但腐爛作痛及楊梅瘡薰後
結毒玉莖腐爛或陽物半傷半全者並宜用之
好錫六錢化開水硃砂末二錢攪炒砂枯去砂
留錫再化開校水銀一兩和勻傾出聽用杭粉
一兩研細鋪夾紙平山土捲成一條一頭點火
煨至紙盡爲度吹去灰用粉同前汞錫加真輕

粉一兩共成一家研細凡遇前患先用甘草湯

淋洗挹乾隨用此藥搽上止痛生肌收斂極妙

珍珠散

珍珠散効實堪誇
諸腫諸瘡諸痛疾

輕粉還兼缸丁花
用之一搽自無他

治下疳皮損腐爛痛極難忍及諸瘡新肉已滿
不能生皮又湯潑火燒皮損肉爛疼痛不止者

青缸花

五分如無用頭刀
翠者代之終不及缸花為妙

珍珠

一錢不論大小以新白為上入豆
腐內煮數滾研為極細無聲方用

真輕粉

一兩

右三味共研千轉細如飛麴方入罐收凡下疳
初起皮損搽之卽愈腐爛疼痛者甘草湯洗淨
猪脊髓調搽如諸瘡不生皮者用此乾摻卽可
生皮又婦人陰蝕瘡或新嫁內傷痛甚者亦可
此搽極効湯潑火燒痛甚者用玉紅膏調搽之
疳瘡簡便方

用油透羅段舊帽沿燒灰杭粉瓦上煨黃色各
等分共研極細磁罐收貯先用紅棗十五個其

草三錢煎湯溫洗患上梔乾搽藥卽効

太乙膏

見腫瘍門

治玉莖皮損疼痛不止者用此貼之其疼卽止
應用方

四物湯

八味丸

八珍湯

俱見潰瘍門

三因勝駿丸

見附骨疽門

魚口便毒論第三十二

夫魚便者左爲魚口右爲便毒總皆精血交錯生於

兩膀合縫之間結腫是也近之生於小腹之下陰
毛之傍結腫名曰橫痃又名外疳是也得之入房
恐精強固不洩或慾念已萌停而不遂以致精血
走動凝滯結而爲腫治當散滯行瘀通利大小二
便九龍丹山甲內消散是也七日已後服之根本
堅固恐其作膿宜用火針法刺之亦妙已出膿者
十全大補湯服之易收欽遲則恐生別症難愈
魚口便毒看法

初起結腫不紅微熱行走稍便無寒熱交作者爲輕
已成紅赤腫痛發熱焮疼舉動艱辛至夜尤甚者易
已潰膿稠肉色紅活腫消痛止新肉易生作瘡者順
初起結腫堅硬如石牽強刺疼起坐不便寒熱者重
已潰腐爛腫痛不減膿水清稀孔深口大不斂者險
魚口便毒治法

初起漫漫結腫疼痛兩脇牽強身發寒熱宜散表邪
已成堅硬發熱疼痛內熱口乾大小便秘宜通利之

發散疎利之後腫痛仍作欲其作膿宜用托裏消毒
煨腫發熱疼痛日久急脹苦甚內膿已成宜急開之
已潰之後膿水不乾新肉生遲不飲健脾胃補氣血

魚口便毒治驗

一男子左胯腫痛身發寒熱脉弦而數以大參敗毒
散一劑表症悉退次以山甲內消散二劑而痊消
一男子橫痃腫痛堅硬二便澀滯以九龍丹一服通
利大便腫痛稍減間日又用一服三便通利而消

一男子患此十餘日形勢已成腫痛日甚因公事急
出不能行走以火針法針之出紫血鍾許外用膏
貼拔出微膿服托裏消毒散而便可行亦且速愈
一男子潰而口大不飲此先泄藥之過也以朱金大
補湯加澤瀉丹皮十餘劑外搽玉紅膏月餘而飲
一男子先出疳瘡久之不愈後發橫痃十餘日始生
腫痛予欲托裏潰膿以泄毒氣彼欲內消自服槐
花酒蜈蚣全蝎等藥腫未得消元氣已損轉致筋

骨疼痛舉動艱辛仍復請治形體瘦弱脉虛而數
此真元受傷邪氣從之雖當補養後必欲發時瘥
方愈彼不爲信自仍服敗毒消風等藥元氣愈虛
飲食不進筋骨疼甚徹夜不睡又復請治先用補
中益氣湯倍參芪六服元氣稍醒又以八珍湯加
麥門冬五味子遠志酸棗仁牡丹皮十餘服夜間
方睡惟疼痛不能大減此內虛瘡毒下陷故難取
効朝以六味丸午服十全大補湯又十餘服遍身

方發紅點此瘡毒欲出仍服前藥紅點漸高始成瘡樣彼時瘡毒一出疼痛頓減元氣漸復更服八珍湯加米仁銀花土茯苓服至半年其瘡方得漸漸而痊彼時悔執方治病之尤始信因病用方之妙

魚口便毒主治方

山甲內消散

山甲內消散大黃木鱉牽牛同協力

加上姜蚕甘草當魚口便毒自無妨

治魚口便毒騎馬癰橫痃等症初起未成膿者

當歸稍

甘草節

大黃

各三錢

穿山甲

炒三錢

姜蚕

黑牽牛

各一錢

土水螫

三個

水酒各一碗煎八分空心服渣再煎服大便秘三四次方吃稀粥淡味飲食為妙

九龍丹

九龍丹藥真堪羨木香巴豆等分同

血餅兒茶乳沒煉魚便橫滋立消見

治魚口便毒騎馬癰橫痃初起未成膿者服之

兒茶

血餅

乳香

沒藥

巴荳

不生油

木香

右各等分為末生蜜調成餅塊磁盒盛之臨時

旋丸寒豆大每服九九空心熱酒一杯送下行

四五次方喫稀粥腫甚者間日再用一服自消

紅花散瘀湯

紅花散瘀湯蘇木

歸尾大黃角針等

治入房忍精強固不泄以致瘀精濁血凝結兩

脰或小腹之傍結成腫痛小水澀滯者並服之

當歸尾

皂角針

紅花

蘇木

姜蠶

連翹

石決明

穿山甲

乳香

貝母

各一錢

大黃

二錢

牽牛

二錢

水酒各一碗煎八分空心服行五六次方吃稀粥補之

黃芪內托散

黃芪內托散芩歸花粉角針與甘草

白朮銀花澤瀉隨魚口便毒此能醫

治魚口便毒橫痃等症已成不得肉消者服之

川芎

當歸

黃芪

各二錢

白朮

金銀花

天花粉

皂角針

各一錢

甘草

澤瀉

各五分

水二鍾煎八分食前服

玉紅膏

見潰瘍門

治魚口便毒橫痃腐潰口不合者用此搽之効

火針法

火針之法由來異將針一點破皮囊

勝如服藥併奇治腫消痛止隨遊戲

治魚口便毒橫痃等症用行藥不得內消者用

麈線針二條將竹筋一頭劈開將針離分半許夾在筋頭內以線扎緊用桐油燈盞內貯之燈草五根排入油內點着用針蘸油燒紅向患頂重手刺入五六分隨出或血或膿以膏蓋貼卽

得輕便以後漸愈虛者兼服十全大補湯完功

應用方

托裏消毒散

見腫瘍門

十全大補湯

補中益氣湯

八珍湯

俱見潰瘍門

六味地黃丸

見肺癰門

囊癰論第三十三

夫囊癰者乃陰虛溼熱流注於囊結而爲腫至潰後
畢丸懸挂者猶不傷人以其毒從外發治當補陰

清利溼熱取効者十有八九近時人誤用疝家熱藥多致熱甚爲膿慮難收斂初宜龍膽瀉肝湯稍久滋陰內托散外敷如意金黃散俱可內消又一種水疝皮色光亮無熱無紅腫癰有時內有聚水宜用針從便處引去水氣則安如腫痛日久內膿已成脹痛者可卽針之內服十全大補湯加山茱萸牡丹皮澤瀉治之間以六味地黃丸服之亦愈

囊癰看法

初起不紅微腫腎子引痛不作寒熱起坐自便者輕
已成紅腫發熱形色光亮疼痛有時飲食有味者順
已潰膿稠腫消痛止新肉漸生不痛作痒收斂者吉
潰後腐爛囊皮脫落甚者罌九突出能食不痛者可
初起堅硬紫色日夜痛甚小便不利大便秘泄者重
已成堅而不潰頭腐無膿疼痛無時常流血水者重
潰後膿口開張腫痛不減身發寒熱睡卧不寧者重

囊癰治法

初起寒熱交作腎子腫痛疼連小腹者宜發散寒邪
已成紅腫發熱口乾焮痛小水不利大便秘者利之
已潰疼痛不減膿水清稀朝寒暮熱者宜滋陰內托
潰後不能收斂日晡發熱飲食減少者宜養血健脾
潰後羖九懸挂不能收斂者當外用生肌內加補托

囊癰治驗

一男子風寒未經發散寒中腎囊作腫痛甚以萬靈
丹一服洗浴發汗寒邪頓退又以四物湯加澤瀉

蒼朮山梔天花粉外敷如意金黃散數次而痊消
一男子囊腫甚大不熱脹疼按之軟而卽起此濕水
流注聚而不散以披針導去黃水碗許以導水消
腎丸服月餘而腫消又以木香補腎丸服之不作
一男子患此十餘日腫甚脹痛內膿已成針之出膿
碗許以十全大補湯加澤瀉丹皮十餘劑而收斂
一老年人素有疝氣因怒傷肝舉發疼痛白服盤葱
散熱藥腫痛益甚視之腎囊半邊堅硬皮損紫黑

此欲腐爛見等九候也彼不爲信尚欲內消請別
醫治之內服龍膽瀉肝湯外敷四黃散寒涼等藥
堅硬果腐飲食少進虛熱不睡痛甚昏憤又復請
治予曰凡病有主末治有權宜初起以藥治疝非
疝也凡疝爲患小腹作疼牽引腎子多寒少熱好
飲熱湯此症乃惱怒傷肝陰虛溼熱爲患其囊紅
腫發熱小便赤澀內熱口乾墜重作痛此爲囊癰
之候初宜清利溼熱而返用疝家熱藥已成宜用

補陰況又用瀉肝涼劑此年老氣血有虧攻補機
關已悞其疾豈有不致危亡者卽當養氣血固根
本爲主而佐以安神定痛之藥接補元氣死生在
進退之間尚可轉也隨以八珍湯加麥冬五味子
遠志牡丹皮外以茸草湯淋洗腐上將已壞黑肉
盡行剪落其皐九已露數日後其患得於補力前
症漸退飲食漸進外腐已盡腎子已窵大半捺玉
紅膏外以膏蓋長肌漸收調理半年外而得始安

一男子腫痛十餘日堅硬無膿囊頭腫上紫色作爛
此欲外腐以蟾酥錠爲末摻上膏蓋三日腐肉脫
下搽玉紅膏太乙膏掩之內服補陰滋腎藥而安
一男子慾後受寒致陰囊牽引小腹作痛惡寒發熱
脰之脉緊數而無力以五積散一服寒熱乃退痛
亦稍止更以八珍湯加肉桂丹皮澤瀉數服而愈

囊癰主治方

清肝摻溼湯

清肝摻溼湯歸地
山梔胆草天花粉

芩芍柴通澤瀉
燈心甘草効如神

治囊癰肝經溼熱結腫小水不利發熱癰痛者

川芎

當歸

白芍

生地

柴胡

龍膽草

山梔

天花粉

黃芩

各一錢

澤瀉

木通

甘草

各五分

水二鍾燈心二十根煎八分食前服

滋陰內托散

滋陰內托散芩歸
角針澤瀉併山甲

白芍還兼熟地芪
囊癰日久服相宜

治囊癰已成腫痛發熱服之有膿即可穿潰也

當歸

川芎

白芍

熟地

黃芪

各一錢半

皂角針

澤瀉

穿山甲

各五分

水二鍾煎八分食前服

導水消腎丸

導水消腎丸功捷更加肉桂老米等

茅朮牽牛與木通打糊丸成建大功

治囊癰內傷生冷外受風寒以致寒溼侵入囊

中小者如升大者若斗皮膚頑厚陽物短縮小

水不利不痛多冷俗稱沙疔是也宜服此藥引

導水氣日久漸消終身不為癰疾也此方常驗

茅山蒼朮

一斤米泔水浸切片炒黃

水通

半斤

肉桂

一兩刮去麋皮

牽牛

二兩微炒

木香

一兩

共為細末陳米粉打糊丸如桐子大每服百丸空心白滾湯濟米湯任下忌生冷麵食此囊雖夏月灸天亦以衣被覆之為妙

灸偏墜法

偏墜灸法最多靈木腎盡頭為灸穴

晴日將來仰卧身安來七壯自然平

候取天晴不犯人神日患者平身仰卧取木腎子根下硬根盡處以墨點記用安豆大艾炷三年之內灸七壯年久者灸九壯十一壯為止內

服木香補腎丸戒食生冷兼忌房事百日爲妙

木香補腎丸

木香補腎丸精地黃藥勝此藥免忌歸
丁香茴香枸杞戟人參黃連杜仲揮

治偏墜一名木腎不疼不痒漸漸而大最爲頑
疾有妨行動多致不便但灸後宜服此藥俱可
內消此藥功效不獨治疝中年後宜服之益壽
延年黑髮壯筋填髓明目聰耳補腎助元陽調
飲食其功不可盡述婦人服之顏如童女肌膚
瑩潔如玉又精寒血冷久無嗣息者服之更妙

淮慶生地

四兩酒煮搗膏

兔絲子

肉蓯蓉

黃精

黑棗肉

牛膝

蛇床子

微炒

茯苓

遠志

各一兩二錢

當歸身

四兩

丁香

三錢

大茴香

木香

各六錢

枸杞子

一兩五錢

巴戟

杜仲

各一兩

青鹽

五錢

人參

五錢

右爲細末煉蜜丸如梧桐子大每服六七十丸

空心溫酒送下又諸痢不常舉發者服之亦宜

如意金黃散

見腫瘍門

治癰癰初起紅赤腫痛發熱墜重者用葱湯同
蜜調敷夏月溼熱紅甚者溫茶湯同蜜調敷妙

應用方

萬靈丹

蟾酥錠

太乙膏

玉紅膏俱見腫瘍門

十全大補湯

四物湯俱見潰瘍門

五積散見附骨症門

龍膽瀉肝湯見下疳門

懸癰論第三十四

夫懸癰者乃三陰虧損溼熱結聚而成此穴在於谷道之前陰器之後又謂海底穴也初生狀如蓮子少痒多痛日久漸如桃李赤腫焮痛欲潰爲膿破後輕則成漏重則瀝盡氣血變爲癆瘵不起者多矣初起時元氣壯實宜用九龍丹瀉去病根稍虛者內消沃雪湯利去溼熱亦有可消者十中三四如十餘日後腫勢已成不得內消宜托裏消毒散加山甲皂角刺服之自破如腫高光亮膿熟不破

頭者用針急破之穢膿一出其患易安如膿出之後朝以六味地黃丸午以十全大補湯加牡丹皮澤瀉溫補滋陰又有厚味膏梁氣體壯實者初服龍膽瀉肝湯潰服滋陰八物湯以清蘊熱體瘦房勞氣血虛弱者初服八珍湯加澤瀉製甘草潰後十全大補湯加牡丹皮熟附子脾弱者補中益氣湯以滋化源日久成漏者國老膏化湯吞服蠟礬丸首尾候服寒涼損胃傷脾冰凝氣血以致患孔

漸開穢膿不止者亦定變成虛羸癆瘵終爲難愈

懸癰看法

初起如松子漸大若梅李紅赤腫痛光亮發熱者輕
已成高腫作痛根脚不散皮薄易破膿成脹痛者易
已潰膿稠而黃氣味不臭焮腫易消痛止作痒者順
初起色紫堅硬根脚漫腫痛連髀膝二便不利者重
已成腫如黃瓜紫斑腐爛穢水無膿痛甚氣息者難
已潰穢膿不絕瘡口開張肉不紅活虛熱食少者逆

懸癰治法

初起寒熱如瘧喜覆衣被口乾好飲熱湯宜當發散
已成熉熱作痛內熱口乾喜冷大便秘澀者微利之
日久內膿已成不破頭而脹痛者急針之法當補托
潰後膿水清稀虛熱不退腫痛不消者宜滋陰健脾
瘡口不斂飲食減少餘腫不消新肉不生峻補脾胃

懸癰治驗

一男子結腫四日作痒微痛以九龍丹一服利五六

次其腫漸消又以四物湯加花粉黃柏知母而愈
一男子患此十餘日歛腫作痛至晚發熱尤甚又兼
小水不利以龍膽瀉肝湯二服小水稍通微痛不
止此欲作膿以托裏消毒散加穿山甲皂角刺澤
瀉二服而膿出又以十全大補湯服之月餘而歛
一男子患此腫甚脹痛此內膿已成卽針之出臭膿
碗許疼痛頓減以十全大補湯十餘服而飲食漸
進歛痛亦消惟瘡口原潰之甚不易完間用製

甘草吞蠟礬丸外以附子餅灸之調理三月而愈
一男子素有痰火久服降下之藥致此結腫疼痛脉
細而數此陰虛溼熱流注而成潰後必難收斂辭
不治後果出臭膿不禁日漸開大發熱不止飲食
不進強以溫中健脾補托氣血藥終至不應而死
懸癰主治方

滋陰八物湯

滋陰八物湯生地 甘草 川芎 澤瀉 等 赤芍 丹皮 花粉 歸

治懸癰初起狀如蓮子紅赤漸腫悠悠作痛者

川芎

當歸

赤芍

生地

牡丹皮

天花粉

甘草節

各一錢

澤瀉

五分

大黃

便秘加一錢蜜炒

水二鍾燈心二十根煎八分食前服

炙甘草膏

炙甘草膏藥二般製度熬膏好酒服

當歸甘草効常堪懸癰腫痛盡成

治懸癰已成服藥不得消者服之未成者即

消已成者即潰既潰者即斂此治懸癰良藥也

大粉草四兩用長流水燉透炭灰里炙乾再浸

再炙如此三度切片甘草三兩當歸身三兩水
三碗慢火煎至稠膏去渣再煎稠厚爲度每日
三錢無灰好熱酒一大杯化膏空心服之最妙

還元保真湯

還元保真湯四物
甘草黃芪枸杞同

參苓丹皮併白朮
附子肉桂澤瀉入

治懸癰已潰瘡口開張膿水淋漓不能收斂者

當歸

川芎

白芍

熟地

白朮

茯苓

人參

黃芪

各一錢

牡丹皮

枸杞子

各八分

甘草

熟附子

各五分

肉桂

澤瀉

各三分

水二鍾煨薑三片大棗二枚煎八分食前服

滋陰九寶飲

滋陰九寶飲芎歸花粉知母併黃柏

白芍黃連生地隨大黃煎服効堪題

治懸癰厚味膏梁蘊熱結腫小水澁滯大便秘

結內熱口乾煩渴飲冷及六脉沉寔有力者服

川芎

當歸

白芍

生地

黃連

天花粉

知母

黃柏

大黃

蜜水拌炒二錢

水二鍾煎八分空心服

應用方

托裏消毒散

見腫瘍門

腎氣丸

見肺癰門

十全大補湯

八珍湯

補中益氣湯

四物湯

俱見潰瘍門

內中沃雪湯

蠟礬丸

見腫瘍門

九龍丹

見魚口門

龍胆瀉肝湯

見下疳門

附子餅

見附骨疽門

夕
腎癰論第三十五

腎癰生於小腹之後位遠僻奧氣亦罕到血亦少來
凡生此者溼熱凝滯結聚乃成得此毒必外發庶
不內攻初起毒從五臟蘊積者患必有頭紅熱墜
重如石內必口乾發熱宜內消沃雪湯通利積熱
外以膏貼瘡頂四邊以如意金黃散敷之拔出瘀
膿紫血內兼托藥自愈常有不知內服敗毒寒劑
外敷涼藥氣血冰凝毒氣不得外發反致內攻其

瘡頭軟陷無膿根脚平散不痛內熱口乾煩躁譫
語痰喘氣促恍惚不寧者俱爲不治但此多從毒
積於內自裏至表者十有八九而從風寒暑溼自
外至裏者百中一二旣出而復入裏者終爲死候

腎癰看法

初起有頭紅赤腫痛頂高發熱根脚高聳者爲易治
已成焮熱發腫疼痛有時皮薄光亮色紅易膿爲順
已潰膿稠而黃色如猪腦腫消痛止起坐自便者易

初起粟米形或黃泡點平塌作痒根脚散漫者重
已成色紫堅硬臀腿俱腫小便澀滯日久無膿者險
潰後無稠膿頂空根軟塌手按不知疼神昏無治法
臀癰治法

初起惡寒體倦喜覆衣被脉浮緊而在表者微散之
已成內熱口乾好飲冷物小便澀而大便秘者通之
頂高色赤焮痛發熱疼痛有時者宜托裏更兼解毒
腫已高而作疼膿已熟而不破脹痛難忍宜卽針之

潰後堅硬不消膿水不止飲食無味者宜補虛健脾

臀癰治驗

一男子患此四五日始生疼痛至晚作寒六脉浮而帶數以人參敗毒散二劑寒熱頓退疼痛稍止彼值公務相關欲出乃用針點入患頂五六分流去紫血用蟾酥條插入膏蓋以活血散瘀湯二服次日流出紫血隨便可行更服托裏藥五六服而安一男子患此六七日焮痛發熱口乾便燥以托裏消

毒散加花粉大黃二服便通渴止仍用前湯加角
針山甲數服而膿潰又以十全大補湯半月而歛
一男子患此堅硬不潰此先寒涼之過也以十全大
補湯加角針蒼朮丹皮四劑堅硬漸軟又以透膿
散二服膿熟針之以前湯倍參芪歸朮月餘而歛
一男子暑月患此自爲內毒外用老鴉藤搗爛敷之
每日續飲涼水十餘碗如此三日瘡毒內陷患上
平塌冰冷口噤不言六脉虛細如絲辭不可治至

夜而死又一人冬月患此外用四黃散涼水調敷
內服敗毒涼藥毒亦內陷煩躁口乾鼻掀氣急患
上平塌原頭存一空孔無水無膿予曰瘡毒已陷
定不可治復請別醫俱曰無事予曰臀居小腹之
後肌肉頑厚毒既到此必須內托爲膿潰後最易
收斂今已內外寒涼毒既內入豈能再出衆醫強
投內消解毒定燥除煩之藥終至不應半月而死

臀癰主治方

活血散瘀湯

活血散瘀湯枳殼連翹花粉防風等

芎歸蘇木角紅花大黃赤芍一齊加

治臀癰初起紅赤腫痛墜重如石及大便秘澀

川芎

當歸

防風

赤芍

蘇木

連翹

天花粉

皂角針

紅花

黃芩

枳殼

各一錢

大黃

二錢

水二鍾煎八分食前服便通者去大黃加乳香

黃芪內托散

黃芪內托散堪諺金銀花與甘草煎

山甲芎歸皂刺加

治臀癰已成服前藥勢定者欲其潰膿宜服之

黃芪錢二 當歸 川芎 金銀花

皂角針 穿山甲 甘草節各一錢

水二鍾煎八分入酒一杯食前服

應用方

內消沃雪湯 如意金黃散

人參敗毒散 托裏消毒散

透膿散俱見腫瘍門 蟾酥條見疔瘡門

十全大補湯見潰瘍門

楊梅瘡論第三十六

夫楊梅瘡者以其形似楊梅又名時瘡因時氣乖變邪氣凑襲又名綿花瘡自期綿綿難絕有此三者之稱總由溼熱邪火之化但氣化傳染者輕精化慾染者重故氣化乃脾肺受毒其患先從上部見之皮膚作痒筋骨不疼其形小而且乾精化乃肝腎受毒其患先從下部見之筋骨多疼小水澀淋其形大而且硬如氣化者毒在皮膚未經入裏宜

服萬靈丹洗浴發汗解散皮膚之毒精化者毒在骨髓未透肌膚宜服九龍丹通利大小二便以瀉骨中之毒甚者二服皆可行散之後體寔者升麻解毒湯體弱者歸靈內托散服至筋骨不疼瘡根淡白內毒已解方用點藥輕者半年重則一載始方得愈如患者不遵此法欲其速愈妄用薰條擦藥哈吸等法往往致成後患者多矣患者熟思之

楊梅瘡看法

初起無頭疼筋骨不作痛小水無澁淋瘡乾細者輕
已生頭面稀少口角無瘡項下胸背雖多穀道無可
初生瘡發下疳次生魚口復作筋骨疼痛瘡發非穢
瘡生紅紫堅硬手足多生形如湯潑泡生害非輕淺

楊梅瘡治法

初起先從澁淋次傳筋骨作疼後發其瘡亦宜攻利
生此外無疳瘡內無筋骨作痛時氣所感者微散之
瘡從交媾不潔乃生下疳亦水澁滯不通當行導利

上部作痒瘡多消風清熱下部作疼痒甚瀉溼爲先
紅紫毒盛瘡高涼血解毒淡白毒輕瘡薄攻補兼行
手足皮膚枯槁驚掌風生栢葉二器煎湯薰洗卽好
頭髮眉毛脫油風何須說神應養真丹早服稀疎脫
點點楊花癬片片癩風瘡宜服換肌丸効應如同掃

楊梅瘡治驗

一男子患此兩月餘自服敗毒涼劑不應筋骨疼痛
尚在此表裏寒涼毒沉難出必以辛熱發之用萬

靈丹慈酒煎服洗浴蓋之先出冷汗如雨次出熱汗疼痛減其大半以歸靈湯服至月餘瘡勢始定又以葦薤湯兼補中益氣湯又兩月餘而始痊愈一男子小便白濁作痛次出疳瘡發腫作爛筋骨微痛予曰欲發時瘡彼不爲信請他醫以薰藥照之雖然疳瘡稍愈而筋骨更疼頭脹欲破又復請治其時紅點滿面此火氣鬱遏難出先用黃連解毒湯二服瀉其火毒次以蟾酥丸發汗使毒透山肌

表已後紅點漸漸爲瘡筋骨頭疼從此漸減以加
味遺糧湯服至兩月瘡始出盡骨疼方止又以解
毒天漿散相兼服至百日其瘡始退又百日而平
一女人丈夫生瘡所襲筋骨至疼遇晚寒甚以人參
敗毒散四劑其寒乃退疼尚不止又以萬靈丹發
汗二次方出點如豆大頭面及背肉無餘隙此毒
之盛也以防風通聖散二劑通利大小二便去硝
黃加皂角針金銀花又十餘劑其瘡漸大小者如

錢大者若杯氣穢作爛起坐不堪外以石珍散摻爛上結疤又爛又摻內服加味遺糧湯兩月餘瘡始漸乾輕者收斂而脫重者又半年方得痊愈矣一痒生患此月餘乃求速愈予曰此患非他恙所比若速愈必遺毒於後日辭不敢治更醫對曰半月全愈後亦無患因喜不勝用水銀膽礬等藥擦擦手足二心半月內其瘡果愈隨後骨疼諸藥不應半年後內毒方出作爛疼不堪言遍腿相串並無

一空又二年腿脚曲而不直痿成痲疾終身又兼耳聾全不相聽又一人嫖妓生瘡筋骨疼痛予曰升發方可彼欲內消請他醫以丸藥七圓每用一圓置炭上燃着以口吸烟至三圓鼻流鮮血至夜而死又一妓者患此欲其速愈以照藥薰之三日後吐鮮血數盆亦死此求速愈自取危亡者無怨

楊梅瘡主治方

加味遺糧湯

加味遺糧湯木瓜
癰皮皂子靈仙等

芎歸防朮銀花
木通甘草共參誇

治楊梅瘡初起筋骨疼痛及已成數月延綿不
已并楊梅風毒誤服輕粉癰瘰骨疼不能動履

川芎

當歸

防風

薏苡仁

木瓜

金銀花

木通

白癰皮

蒼朮

威靈仙

各一錢

甘草

五分

皂莢子

五個切片微炒

仙遺糧

二兩

人參

瘡久氣虛者加

水二碗煎八分量病上下食前後服腿脚之下

加牛膝一錢病淺者一月可退病深者百日可

芥忌牛肉燒酒海腥煎炒此瘡發時多先起於

下疳若以此方預服之可以止其不發梅毒瘡也

解毒天漿散

解毒天漿散角針
芳歸翅粉銀花草

防風防已藤風藤
木瓜蟬脫薏苡仁

治楊梅瘡不問新久遍身潰爛及筋骨作疼者

天花粉

錢二防風

防已

皂角針

白癬皮

連翹

川芎

當歸

風藤

木瓜

金銀花

蟬脫

薏苡仁

各一錢

甘草

五分

土茯苓

二兩

牛膝

下部加

水二鍾煎八分臨服入酒一杯量病上下服之

升麻解毒湯

升麻解毒湯傳易同煎皂刺加油服

去病應知却不難那怕多年結毒頑

治楊梅瘡筋骨疼痛久而不愈及治遠年近日

流注結毒皮肉破爛咽喉損破者並宜服之

升麻新鮮皂角針各四錢上白土茯苓一斤頂

之以上加白芷咽肉加桔梗胸腹加白芍肩背

加羌活下部加牛膝各一錢用水八碗煎至四

碗作四次一日服盡每次頓熱加麻油三茶匙

和勻量病上下食前後服之瘡甚者不過十服

歸靈湯

歸靈湯中四物宜 木瓜防已白癰皮 米仁參朮銀花粉 甘草白芷牛膝隨

治楊梅瘡不問新久但元氣虛弱者宜服此藥

川芎

當歸

白芍

熟地

米仁

木瓜

防已

天花粉

金銀花

白癰皮

人參

白朮

各一錢

甘草

五分

威靈仙

六分

牛膝

下部加五分

土茯苓

二兩

水三鍾煎二鍾二次量病上下食前後服之渣

再煎八分服

防風必効散

防風必効散荆防角針木通番白草

槐木翹藤薢芷當銀花花粉木瓜商

治楊梅瘡溼熱太盛瘡高稠密元氣素實者服

防風

防已

荆芥

白癬皮

連翹

槐花

蒼朮

皂角針

風藤

木通

白芷

天花粉

木瓜

金銀花

蕃白草

各一錢

甘草

五分

土茯苓

四兩

大黃

初起加三錢

水三碗煎二碗二次服渣再煎一碗服後飲酒一大杯即靜睡一時許更妙

金蟾脫甲酒

治楊梅瘡不拘新久輕重皆効好酒五斤用大蝦蟆一個浸酒封瓶口煮香二枝取起待次日隨量之大小以醉爲度冬夏蓋暖出汗爲効存

酒次日只服量之一半酒盡瘡愈又治楊梅結毒筋骨疼痛諸藥不効者更妙服酒七日後不許見風爲要忌口及房事百日絕根矣

翠雲散

翠雲散中用銅絲
濕用胆調乾未摻

膽礬輕粉石膏加
梅瘡一點便生疤

治楊梅瘡已服內藥根脚不紅瘡勢已退者用

銅綠

膽礬各五錢

輕粉

石膏

煨各一兩

共研極細磁罐收貯溼瘡乾摻乾瘡公猪膽汁調點三日點三次其瘡自乾而愈

又點藥方

點藥方中用杏仁雄黃輕粉等相稱猪胆汁調磨上點敢教三日自承平

杏仁

四十九粒去皮尖

雄黃

錢一輕粉二錢

先將杏仁搗細加雄黃輕粉細末再研勻猪膽

調點

鵝黃散

鵝黃散用真輕粉石膏黃柏要稱準等分爲末搽爛瘡楊梅腐痛最安穩

治楊梅瘡潰爛成片膿穢多而疼甚者宜用之

石膏

煨

輕粉

黃柏

炒

以上各等分爲極細末乾搽爛上即可生疤再

爛再搽毒盡乃愈此解毒止痛收乾之効藥也

應用方

萬靈丹

黃連解毒湯

見腫瘍門

人參敗毒散

防風通聖散

見時毒門

蟾酥丸

見疥瘡門

補中益氣湯

見潰瘍門

九龍丹

見魚口門

神應養真丹

見鶴膝風門

祛風換肌散

見風癰門

栢葉二礬湯

見發掌風門

結毒論第三十七

結毒者薰火收過瘡毒而沉於骨髓也又有未經薰
擦見苗未久服藥不多內毒未盡使用點藥收斂
鬱遏毒氣者亦能致之發則先從筋骨疼痛日後
漸漸腫起發無定處隨便可生發在關節中則損
筋傷骨縱愈曲直不便發於口鼻則崩梁缺唇雖
痊破形更相發於咽喉者更變聲音發在手足者
妨於行走原來苦楚一生毒遺數代情關一錯禍
起百端初起筋骨冷痛金蟾脫甲酒發汗自愈虛

弱者芎歸二朮湯頭疼欲破者天麻餅子餅吹鼻
碧雲散年餘流串筋骨不愈者五寶散虛弱潰爛
疼痛不斂者十全大補湯同土茯苓煎服初起筋
骨痛甚者雷火針法已潰腐爛者解毒紫金膏依
法施治年遠毒盛者玄武丹兼外搽靈藥年近毒
淺者只在百日自然可愈毋得再薰爲禍傷人耳
已下看法治法俱照本論醫治自有條款未及重錄

結毒治驗

一男子薰藥之過六年後兩腿骨痛半年始腫以雷
火針腫小者一處腫大者三處針之七日後作膿
腐潰內服仙遺糧湯兩月餘其疼漸止腫亦漸消
又兩月方得腐盡肌生更十全大補湯三月而歛
一男子玉莖患此半年陽物已損七八週一方士以
薰藥照之患上流血不止人似鬼形予曰毒發已
傷元氣再加薰火一逼血得熱而妄行故去益許
此有限之物也恐其難保先以四物湯兼黃連解

毒湯合而服之。三劑其血乃止。更以珍湯加麥冬五味子黃柏知母十餘服。元氣乃定。外以甘草湯浴洗患上。以銀粉散搽之。如此月餘。氣血漸醒。紅肉漸生。陽物復長。大半仍用前湯。加土茯苓二兩煎服。此不捨其根本。其約有四月之餘。其疾乃愈。一男子患此。頭疼欲破。至夜尤甚。苦楚不睡。自以解毒藥治之。俱不相應。胗之寸關脉細數而無力。此虛陽之火上攻。以補中益氣湯加土茯苓一兩服。

至三劑其疼漸止又十餘劑其疾全安而不再發
一男子患此自膝以下腐爛無空伏枕半年內以黃
歸二朮湯外以甘草白芷歸尾葱白煎洗三日一
度以解毒紫金膏搽之如此三月餘漸漸而安惟
足不能步履以史國公酒藥加土茯苓一斤浸煮
又服半年其足方能步履又一料行步亦然如舊
一婦人患此頭疼手腕俱痛脰之脉滑而弦此痰毒
相兼之病也以天麻餅子服之半月頭痛痊安又

以二陳兼四物加紅花升麻黃芩服至月餘而愈

一男子頭額腐爛外搽解毒紫金膏內以葶藶湯兩月餘而歛又一人小腿患之年餘仍以前藥而愈

一入咽間損壞半年湯藥難下幾死服結毒紫金

丹外吹結毒靈藥一月內其疾痊安又一女入手

膊頭背腫痛六七年不潰諸藥不應仍服前藥

而安

一男子咽喉腐爛予以遺糧湯內服外用解毒生肌藥治之彼以爲緩仍用薰藥照之口爛幾死大便

純去黑血及遍身浮腫飲食不進肌破三月而死

結毒主治方

仙遺根湯

仙遺根湯 荆芷防 銀花花粉 葛 芩 當 薤 靈 仙 梔 藤 草 苓 連 翹 共 水 煎 服

治楊梅結毒初起筋骨疼痛已破肌肉潰爛者

仙遺根

即俗稱土 茯苓四兩

防風

荆芥

川芎

當歸

天花粉

金銀花

白蒺藜

薏苡仁

威靈仙

各一錢

山梔

黃連

連翹

乾葛

白芷

甘草

黃芩

各六分

牛膝

下部加

水三碗煎二碗量病上下食前後服渣再煎一

碗服後飲酒一杯忌牛肉火酒房事等件更妙

芎歸二朮湯

芎歸二朮湯防朴木瓜皂刺精猪肉

獨活參苓薏苡仁草甲銀通上茯苓

治楊梅結毒已成未成筋骨疼痛步履艱辛及

潰後腐肉臭敗不能生肌收斂者宜服之並効

白朮

蒼朮

川芎

當歸

人參

茯苓

薏苡仁

皂角針

厚朴

防風

木灰

木通

穿山甲

炒

獨活

各一錢

金銀花

二錢

甘草

精猪肉

二兩

土茯苓

水三碗煎一半量病上下服之渣再煎服

消風脫甲散

消風脫甲散紅花
風子薄藤銀皂刺

番白靈仙梔蛇灰
翹通蒼术草齊加

治楊梅結毒筋骨疼痛腐爛作臭氣血壯實者

歌 十年十五年五 二十年來三十補

曰 縱然臭爛不堪聞 管教逢人再不吐

番白草

紅花

井草

威靈仙

山梔

蟾蜍

連翹

皂角針

大風子

肉

薄荷

風藤

金銀花

冬瓜皮

木通

蒼朮

錢各一

土茯苓

四兩

水三碗煎二碗二次服用好酒一大杯過口清

再煎服

薰洗結毒方

薰洗結毒方堪効任是腐疼多微骨

蒼朮川椒共水煎將來一洗即時消

蒼朮一兩點紅川椒三錢水五碗煎至四碗入

確內將患上對確口以熱氣薰之半熱傾藥盆

內淋洗患上以潔淨布挹乾搽後解毒紫金膏

解毒紫金膏

解毒紫金膏最易取功奏效誠難
磬紅只與松香等去腐生新解笑顏

治楊梅結毒腐爛作臭膿水淋漓諸藥不効者

細塊磬紅明淨松香各一斤共碾極細末麻油

調稠先將患上用前湯薰洗潔淨搽上此藥油

紙蓋土以軟布條要扎至緊毋令血行三日一

換如無前湯薰洗只煎葱艾甘草等湯俱可洗

換又治諸毒頑癰等瘡神効愈後忌發物煎炒

神仙碧玉膏

神仙碧玉膏朝腦乳香沒藥併白占

輕粉杭粉豈可饒猪油調漆腐爛好

治結毒潰爛臭穢疼痛不歛及風癰等瘡俱効

輕粉

一兩

杭粉

一兩

白占

五錢

乳香

沒藥

各三錢

章冰

二錢

用公猪淨熟油五兩同白占熬化傾入碗內入

上藥和勻水內頓一時取起臨用抵脚挑膏手

心中捺化攤油紙上用葱湯洗淨瘡對患貼之

五寶散

五寶散內用硃砂
飛羅麪同滴乳石

琥珀珍珠冰片加
饌團煎和効堪論

治結毒筋骨疼痛腐爛口鼻諸藥不効者服之

滴乳石

如乳頭下垂敲破易碎亮
似蜻蜓翅者方真四錢

琥珀

珍珠

硃砂各二錢
冰片一錢

右各研極細對準共為一處再研數百轉磁罐

密收用藥二錢加飛羅麪八錢再研和勻每用

土茯苓一斤水八碗煎至五碗濾清作五次每

次加五寶散一分和勻量病上下服一日服完

十服自愈如鼻子腐爛每日土茯苓內加辛荑

三錢煎服引藥上下忌食海腥煎炒房事等件

結毒紫金丹

結毒紫金丹罕稀
決明龜板硃砂等

此方原不欲入知
米飯爲丸脫苦難

治遠年近日楊梅結毒筋骨疼痛日久腐爛臭

敗不堪聞者或咽喉唇鼻破壞諸藥不効者妙

龜板

放炭火上炙焦用新安酒漿濃筆蘸漿
塗上反復多次以焦黃爲末二兩

石決明

川九孔大者煨紅硃砂
童便內漬之一次硃砂明亮者各
末二錢

共再碾極細爛米飯爲丸麻子大每服一錢量

病上下食前後筋骨疼痛酒下腐爛者土茯苓
湯下至重者四十日而愈此功力勝於五寶散
結毒靈藥方結毒靈藥方水銀
加上輕粉共研成 治楊梅結毒腐爛作臭或咽喉唇鼻腐壞日甚
者並効

水銀

兩一

硃砂

雄黃

硫黃

各三錢

共碾細入陽城罐內泥固鐵蓋梁堯固緊封口
點三香爲度用水擦蓋內火畢次日取出蓋底

靈藥約有二兩五六錢治尋常腐爛之症靈藥
五錢輕粉五錢和勻碾細小罐盛貯紗封罐口
臨用甘草湯洗淨患上將罐倒懸紗眼內篩藥
患上用後單油膏藥蓋之一日一換自効男子
婦人咽爛者靈藥一錢加入中白二分研細吹
之日用三次內服不二散其疼即止隨可飲食
硫黃不二散硫黃不二散功奇止痛除危効不宜
加上靛花研細末服之猶自遇神醫
治楊梅結毒發於咽內腐爛疼痛湯水難入者

硫黃

錢一

旋花

分一

共爲細末涼水一大酒杯調服其疼卽止飲食

可用

鉛回散

鉛回散內藥蹊蹶

筋骨多疼功不饒

加上硫黃爲末服

敢毅苦楚寂然消

治楊梅結毒筋骨疼痛朝輕夜重喜熱手按揉
者用鉛半斤銅杓內化開傾入水內將鉛取起
再化再傾如此百遍鉛盡爲度候半日待水澄
清傾去用鉢底內沉下鉛灰傾在三重紙上下

用灰收乾水氣取起晒乾與硫黃等分研細確收每服一錢溫酒調服至重者不過三次即效

單油膏

單油膏藥用麻油熬化成膏傾水內 杭粉將來漸漸投護肌護藥不開流

貼結毒摻藥上用麻油二斤熬滴水成珠續下

杭粉十三兩攪勻成膏傾水內片時取起攤用

草薺湯

草薺湯蒲芷栢蒼胡麻羌活川椒等 靈仙龜板草紅當結毒筋疼皆可嘗

治結毒筋骨疼痛頭脹欲破及已潰腐爛並効

川草薺

錢二 苦參

防風

何首烏

錢各五

威靈仙 當歸 白芷 蒼朮

胡麻 石菖蒲 黃柏各六分 羌活

川椒各四分 龜板二錢五分 紅花三分 甘草五分

水二鍾煎八分臨服入酒一杯量病上下服之

碧雲散

吹鼻碧雲散川芎 驚不食草一般同
青黛共研為細末 吹之鼻內有神功

治結毒入於顛頂以致頭疼脹痛如破者吹之

驚不食草一兩 川芎一兩 青黛一錢

其為細末患者口噙涼水以蘆筒吹藥疼之左

右鼻內取嚏爲効

應用方

十全大補湯

補中益氣湯

四物湯

八珍湯

俱見瘡門

金蟾脫甲酒

見楊梅瘡門

天麻餅子

見頭門

雷火神針

見附骨門

史國公酒藥

見風濕門

二陳湯

見癰瘰癧門

黃連解毒湯

見疥瘡門

銀粉散

見疔瘡門

多骨疽論第三十八

多骨疽者由瘡潰久不收口乃氣血不能運行至此
骨無榮養所致細骨由毒氣結聚化成大骨由受
胎時精血交錯而結日後必成此疽也但腎主骨
宜服腎氣丸十全大補湯先補脾腎次用艾附餅
灸之令溫煖腐毒朽骨自然脫盡生肌歛口而愈
多骨疽治驗

一男子上脘腫痛月餘以散風清熱藥俱已不効又

兩月破流血水百日外方出細骨大小三十餘塊
以十全大補湯併吹生肌散兩月餘而斂中存一
小孔簪脚大通鼻透氣致難全斂爲愈而不愈也
一男子左手上膊結腫年餘方出爛斑破流稀膿延
至半年方出多骨一條如鷲膊骨一同長約四寸
內服養血健脾藥外搽玉紅膏膏益又月餘而斂
一男子小腿正面膝骨腫痛二年諸藥不應此多骨
瘠也後破出骨一塊肌肉腐爛元氣虛弱以十全

大補湯加山茱萸牛膝木瓜服至兩月餘不飲每
日以神燈照法將火氣助之又出朽骨一塊上有
蛙眼數十孔以二骨炭火煨紅爲末入生肌藥中
用之收歛問曰用骨者何此骨原廩氣血結成故
用之復還元氣也後人聞之知理合天然之數矣
一女人左口上牙根突腫如栗堅硬如石不痛此多
骨疽也藥亦不効後三年始痛破流臭膿後出多
骨形如小鰲腫仍不退此骨未盡稍久又出小骨

二塊枯色穢穢其腫方退以四君子湯加升麻陳皮外以甘草煎滲漉口內肌散日搽三次而收歛
多骨疽主治方

固本養榮湯

固本養榮湯四物山萸甘草牡丹皮

山藥人參併白朮肉桂黃芪五味宜

治骨疽已成骨不吐出或既出不能收歛由氣血之虛脾胃弱也宜服之骨不出者自出不收歛者自歛

川芎

當歸

白芍

熟地

白朮

山藥

人參

牡丹皮

山萸肉

黃芪

各一錢

甘草

肉桂

五味子

各五分

水二鍾薑三片棗二枚煎八分食前服

生肌散

生肌散內石膏丹龍骨再加朝腦和

石脂輕粉蚬乳香用之完口不須難

治腐骨陷出肌肉生遲不能收斂者用此搽之

石膏

輕粉

赤石脂

各一兩

黃丹

飛二錢

龍骨

血蚬

乳香

朝腦各三錢

右爲細木先用甘草當歸白芷各一錢煎湯洗淨患上用此乾摻軟油紙蓋扎二日一洗一換

應用方

神燈照法

玉紅膏

俱見腫瘍門

十全大補湯

四君子湯

俱見潰瘍門

腎氣丸

見肺癰門

新刊外科正宗卷之三

終